

嘉嘉落落書補編

上下

銅菴藏

共三十五

青壯館全書



青莊館全書卷之四十六

磊磊落落書卷之十一補編目錄

王台輔

王續

弟續續陳天拔

王士和

祝淵

王毓著

盧象觀

曾嗣宗

吳鍾巒

余煌

賀昌明

彭錕

李應開

顧咸受

沈壽光

顧果

項禹揆

麻三衡

黃毓祺

王若之

戴重

殷淵

張翊

項嘉謨

錢應金



何剛

吳易

陳邦彥

郭符甲

睦明永

睦本

侯峒曾

侯岐曾

林塗

許王家

許用

汪參

黎遂球

龔用圓

黃嘉縉

江天一

廖應兆

曾奉初

魏殷臣

劉泰兆

吳昞

薛大觀

高復卿

孫臨

韓默

高孝纘

任源遠

范箴聽

王崇圖

許德溥

陳子龍

錢梅

徐爾穀

吳應箕

楊廷樞

朱集璜

黃淳耀

鄺露

張煌言

夏允彝

夏完淳

馬純仁

賀向峻

許琰

顧所受

湯文瓊

顧維寰

張孝起

盧渭

劉曙

李幹才

歐敬竹

石士鳳

髯樵叟

狗屠

賣餅叟

搖船客

金陵乞兒

西安丐者

徐烈母

青莊館全書卷之四十六



青莊館全書卷之四十六

磊磊落落書補編上

完山李德懋懋官著

王台輔

德水

男光葵 奉杲 編輯
李晚秀 蕙隣 校訂

王台輔字贊化邳州人崇禎末復遣宦官出鎮台輔以監生艸疏將極諫甫入都而都城陷慟哭南還福王立東平伯劉澤清御史王燮大宴於睢寧台輔裹經直入責之及南京覆大呼烈皇帝北面再拜自縊死俄有僧過之持麻鞭指其屍曰此常事也惡用矜張後有渡河來者言石樓寺一僧縊死麻鞭在其側

大清一統志

王纘

弟纘
陳天拔纘

王纘字伯綿江都諸生弟纘字亞綿弟纘字叔綿城
破兄弟并縊死同時醫者陳天拔盡士陸愉武生戴
之藩義兵張有德市民馮應昌舟子徐某皆自盡大清

一統志

王士和

士和字允協御史與胤子新城儒學生

朱藝尊
明詩綜

允協死不遠親與孟忠懿比烈其妻於崇禎壬午城
破時先自經忠臣孝子烈婦萃於一門尤難得也

朱藝

尊靜志
居詩話

絕命詞痛余生之北辰兮天滅我之立王我父母一
聞之兮涕滂沱以彷徨以身殉國難兮維千古之臣
綱嗟反面而事讐兮方臣妾之未遑哀世溷濁兮四
維不張大地無容身之隙兮願隨我父母歸于帝鄉

朱葵尊明詩
綜王士和詩

祝淵

淵字開美海寧人崇禎癸酉舉人有月隱先生遺藁

朱葵尊
明詩綜

崇禎壬午先生伏闕申救劉公宗周時未識劉公也
及公罷歸始著錄稱子弟附舟南還已而緹騎逮入

詔獄寇逼京師有詔赦出者城陷太常卿吳公麟徼
殉之視含殮護其喪歸塗遇吳吉士甬堦斷一指寄
其家先生為携歸留都既下先生葬其母尋自經死

朱羹尊靜
志居詩話

王毓著

王毓著字元趾會稽人為諸生跌宕不羈已受業劉
宗周之門同門生成非笑之杭州不守宗周絕粒毓
著上書曰願先生早自裁毋為王炎午所吊俄一友
來視毓著曰子若何曰有陶淵明故事在毓著曰不
然吾輩聲色中人慮久則難持也一日遍召故交歡

飲伶人奏樂酒罷携燈出門投柳橋下先宗周一月

死鄉人私謚正義先生

明史

弔王義士中丞弟子舊家風杖屨相隨誓始終閉戶
坐憂天下事臨危真與古人同短書燕市遺丞相餘
恨平陵哭義公此地由來多烈士千秋哀怨浙江東
汪王義士毓著受學于都御史劉公宗周公聞南都
不守絕食義士上書于公曰慎勿為王炎午所笑乃
衣儒巾藍衫投柳橋下死與義士先後死者潘生集

周生卜年

朱彞尊曝書樓集

盧象觀

盧象昇既歿者紛紛崇禎十五年事始大白予祭
葬世蔭贈兵部尚書謚忠烈賜建全祠其弟象觀請
之也象觀癸未進士乙酉六月起兵敗投水死

部長
衛青

門集盧
象昇傳

曾嗣宗

曾嗣宗字元聲相國楊廷麟起兵嗣宗以諸生效三
千金饗軍題授兵部主事從師吉安退保贛州楊公
曰事急矣毋從我嗣宗曰奈何乘危而去卒入城俱
死同時有貢士楊文琦字玉宸亦死之文琦從兄燧
貢士庚寅邑城破衣自經死

魏禮孝子集
寧都先賢傳

吳鍾巒

吳鍾巒進士崇禎末為廣西按察使甲申以後遁至舟山中夜起自念潰然驚曰吾同牕馬素修門下生李仲達俱已殉節吾年垂八十倘一朝疾病身死將何以見數君地下急呼僕取火視已面曰吾不病否僕曰不也乃伸紙作數詩且為札召同行者飲于寓飲畢別去遂燔寓中新後山而竄身其中其一詩有云只因老友相從急故遣臨行火浣衣聞者流涕鍾

巒字巒釋毘陵人

毛奇齡詩話

余煌

余煌字武貞會稽人天啓中進士第一授修撰崇禎
中歷右庶子乞暇歸魯王監國紹興拜煌兵部尚書
從王航海赴水死大清一統志

賀昌明

賀昌明字宸極武昌諸生聞北京失守斬髮祭莊烈
帝慟哭發狂疾死大清一統志

彭錕

彭錕字劍伯丙戌以諸生從清江楊文正公廷麟起
義題授職方員外錕家居清江之僕負公幼子至以
屬錕錕命妻李氏撫之庚寅郡兵攻寧圍城錕親戚

故人飲酒酒半停杯謂客曰城必破義不可辱行與
諸君訣矣坐上皆揮淚錕笑曰吾以諸生受國恩死
其分也獨恨有母不能終養又牽率清江之孤至於
此因取筆硯折簡易堂諸子曰清江公不以錕不肖
而屬茲藐孤錕死不足道脫孤得活終當累諸君子
遂投筆謝客曰諸君且別錕乃索冠帶蕪燭於庭呼
婦出則冠帔儼然矣俱北面五拜三叩首各就東西
偏引繩自經死先是圍未合錕命弟將母次第出城
避去錕獨留死或謂錕曰聞諸道路降則不死錕不
聽城旣破清江孤掠於兵於是易堂彭士望賣衣裝

贖之居數年孤乃返清江生子清江之世得不絕

禮

李子集寧
都先賢傳

李應開

李應開字翔卿以豪健聞國變棄諸生結客辛卯邑
鎮將猝拏其家繫縣獄鎮將召所知謂之曰李生未
嘗抗兵速薙髮明日鞫公庭稍自遜卽活矣所知諭
意應開慨然曰人生蚤暮等死耳顧婉轉求生道他
日不自立死鹿鹿中悔晚矣居數日庭讞應開踞地
下坐鎮將曰汝何為作賊應開曰未也鎮將曰不作
賊何不剃頭應開曰汝作賊乃剃耳鎮將怒牽出斬

之魏禮季子集
寧都先賢傳

顧咸受

咸受字幼疏崑山人天啓甲子舉人縣城破死于難

朱羹尊
明詩綜

沈壽堯

壽堯字景山宣城縣學士死于難

朱羹尊
明詩綜

顧杲

杲字子方無錫人有悟秋草堂詩集

朱羹尊
明詩綜

顧子方先生以不世之才激發忠義初與吳君次尾等草檄以討阮大鍼繼將糾偏師援江陰出諸義士

于萬死迺為鄉亂民所誤殺子方書法妙絕一時與
同里黃君漢臣交善往返手札最多漢臣悉藏弃將
死卷束以授秦君燈巖嗚呼國家三百年尊科目重
資格牢不可破以子方之忠且才終不得一第發抒
其報國之志至于甲乙之交天地傾陷當事者猶且
怙其故習皮相天下士使子方仍不得尺寸之柄倡
義草間卒死亂人豈非天哉先生名杲端文公之從
孫而燈巖其姊子也每與予道未嘗不嗚咽或謂燈
巖篤情舅氏為難能夫燈巖舅氏非一子方也固有
取高第通仕籍者而燈巖獨留連于先生何耶因敬

跋卷末職嚮往且以見燈巖之意漢臣名家舒以文

章名世為子方所推國變而亦棄諸生服魏禧叔子

札手

崇禎戊寅南國諸生百四十人俱防亂公揭請逐閣

黨阮大鍼子方實居其首有云景等讀聖人之書明

討賊之義事出公論言與憤俱但知為國除姦不惜

以身賈禍大鍼飲恨刺骨而東林復社之讐在必報

矣

朱彝尊靜志居詩話

項禹揆

禹揆字子昆秀水縣學生與李之春同遇害朱彝尊詩綜

麻三衡

三衡字孟璿宣城人選貢生屯師姑山兵潰被執死

于市

朱樊尊明詩編

孟璿注名復社遽賦無衣陳安未克生還狼曠已得

死所

朱樊尊靜志居詩話

黃毓祺

毓祺字介子江陰學生有大愚老人遺集

朱樊尊明詩編

毓祺前明啓禎間以文章道德為諸生祭酒甲申聞
變仰天痛哭類中風狂走嘗結客不死作詩有可憐
上帝如泥醉自笑遺民與石頑之句自是變易姓名

轉側江淮間數年所至皆親其豪傑為怨家所告捕
係金陵獄死而子晞兄弟四人同坐收籍其門沒入
縣官晞父子蓋忠孝人也予讀晞所為先府君行畧
未嘗不哀其志顧語多觸諱文亦不能大傳而遺老
行盡漸無有能舉其姓氏者悲夫

邵長蘅青門集黃烈婦集

王若之

若之字湘客山東益都人明戶部尚書基之子以父

任歷官河南參議有慧業軒集

王士禎感舊集

王若之明戶部尚書基冢孫以門蔭入官南渡官金
陵大兵渡江若之轉徙寓姑孰佛寺以書畫鼎彝自

隨洪文襄公承疇諭之降不屈死王所寶古琴名桐

笙今尚在其家

王士禛池北偶談

王湘客性嗜古南渡避地姑孰圖書鼎彝之屬尚兼

兩後死金陵若之風神清朗如晉宋間人工詩及尺

牘金陵見月云玉宇流孤月清光照鴈聲似從千里

外寄與故鄉明

王士禛漁洋詩話

王若之詩清真無啓禎氣習絕句如片時眼界澄清

鼻觀與之俱省脫巾解帶匡牀消受荷花百頃

王士禛池

北偶談

戴重

重字敬夫江南和州貢生官湖州府推官有河村集

王士禎
感舊集

按楊九思和州志卓子任遺民詩傳稱敬夫性至孝
砥行修名彬彬儒者而好古窮經喜談王伯大畧能
書善屬文下筆數千言立就甲申廷對春坊趙士春
拔置第一授湖州府推官亂後歸里和含山張不二
秉純絕命辭同不食而死鄉人私謚文節先生子務
弭本孝無忝移孝皆以布衣能詩務弭盡尤見稱於
時

盧見曾感
舊集補傳

張甫公云敬夫詩感時諷俗為多以視西臺慟哭異

世同揆

朱彝尊明詩綜詩話

濠梁布衣多難客他鄉結客千金訃
渺茫萬卷讀書悔癡絕十年磨劍
拚佯狂清天鴻鴈月千里白露華
散水一方不得故人書半紙秋殘懷
抱極淒涼

戴重河村集

殷淵

殷淵字仲弘鷄澤人父大白崇禎間為監軍副使揚
嗣昌陷以失機論死淵上書請代奉旨詰責遂棄舉
業隱山中淵負奇氣從父兵間善技擊及賊破雞澤
俄聞京師陷弼慟即約山中壯士誅賊所置官偽令

秦植走乃八城發喪製服義聲大振為奸人所乘被

殺大清一統志

張翊

翊字叔韓秀水縣學生城破整巾欄南向正席坐兵

以刃臨之罵不已遂遇害朱彝尊明詩綜

項嘉謨

嘉謨字向彤一字君禹秀水人有讀選堂詞賦集朱彝

尊明詩綜

向彤投筆遠將渡河出塞尋入閩登武夷曹能始錄其詩八十二代詩選乙酉閏六月城破東平生所著

詩賦于懷投天星湖死子翼妾張從馬向彤墨林之
孫賦性儻蕩不羈中歲產落歲辛巳年飢糧絕從父
以五斗米貽之妾張知向彤不甘淡泊以二升米易
乾魚進飯向彤怒曰乾魚豈可下箸復以米三升易
炙鷄乃飯謂是帚屨子弟栗栗少年而視死如歸可
敬也已

朱冀尊靜
志居詩話

錢應金

應金字而介一字仙上嘉興縣學生城破走村居遊
兵掠郊野見其髮未開剃遂見殺有古處堂集

朱冀
尊明

何剛

何剛字慤人上海人崇禎中舉於鄉陳選練滅賊諸策擢職方主事募兵金華都城陷還鄉先是陳子龍夏允彝將聯絡海舟直達天津捐貲召募得二千人訓練以待至是福王命剛統之從史可法守揚州城破投井死大清一統志

吳易

吳易字日生吳江人崇禎癸未進士殉節死

沈德潛明詩別

裁集

易有東湖唱和集

朱彝尊明詩綜

母夫人善繡觀音生易之夕遙見帕首少婦引朱衣
童入室而易墜地長而文譽日著膺力過人癸未進
士授兵部職方司時南都已陷歸舉義旗聚舟師數
千結營長白蕩吳提督兵下衆遂散全家溺水易遁
去匿嘉善錢氏園中日夜酣飲痛哭不發一言為邏
者執送武林軍門諭降不從竟磔于市鈕璫
從軍行已分沙場報國恩身經百戰滿創痕但教死
去圖麟閣不願生還入玉門吳易東湖
唱和集

陳邦彥

邦彥字會斌廣州順德人貢生以兵保清遠師潰死

于難有巖野集

朱彞尊明詩綜

巖野僻居嶺南與黎美周歐子建陳喬生以文章聲氣遙應復社卒殺身以成仁臨命歌云書生謾談兵時我不我與君子誦其詩而悲之

朱彞尊靜志居詩話

郭符甲

符甲字輔伯晉江人崇禎癸未進士戰沒葬海島中

朱彞尊明詩綜

顧漢石懸首錢塘六月無蠅郭輔伯戰死海溢五百人屍糜爛而四體不腐忠義之足以感天地萬物也

朱彞尊靜居詩話

睦明永

明永字嵩年丹陽人崇禎壬午舉人選授華亭儒學教諭乙酉八月三日松江城破自經不死投泮水被執不屈見殺有世經堂集

朱冀尊明詩綜

明永大兵破松江題絕命詞於明倫堂自經死

大清一統志

睦本

本字允立丹陽人明永子縣學生坐事死有務菴集

朱冀尊明詩綜

侯峒曾

侯峒曾字豫瞻震陽子天啓進士崇禎初以浙江右

參政召為順天府丞未赴而京師陷福王用為左通政辭不就南都覆偕里人黃淳耀等誓死固守城破與二子元演元潔俱赴水死

大清一統志

族岐曾

岐曾字雍瞻蘇州嘉定人通政峒曾弟縣學生援例入國子監以陳子龍事牽連執至松江遇害門人私

謚曰文節先生

朱彝尊明詩綜

林塗

塗字子埜侯官人崇禎癸未進士除海寧知縣家居

死事有耻齋集

朱彝尊明詩綜

為鄆德都畫竹所南之蘭無土耻齋之竹無根想見
千百年後熒熒紙上血痕

林空耻齋集

許王家

許王家字君聘一字又民長洲縣人也少好學以名
節自勵補府學生甲申國變悲踊不食久之奉父母
隱居澄河東之姚澄乙酉北兵南下下薙髮令王家
慨然太息曰父母冠我時祝我為何如人此髮豈復
可毀傷耶或曰君一秀才耳未食天祿奈何遽以身
殉乎王家曰國家養士三百年所養何事吾已名列
學宮亦朝廷士也先師殺身成仁求生害仁之義吾

講之熟矣以父母屬妻顧氏曰爾善事堂上吾不能
終養為孝子矣父母素知王家為人亦忍涕謂王家
曰汝行汝志王家整衣冠赴河水而死妻顧亦挈兩
女赴河水淺人救之不得死親戚語之曰夫殉義妻
保孤可也且汝夫以堂上托汝今背其言陷夫不孝
顧氏泣謝孝養舅姑終三年喪撫其三子悉成立今
庚申年七十有三云魏禧曰王文恪公鏊六世孫會
者篤實君子也與禧善為禧道許秀才事甲申國變
吳門諸生許玉重餓死學宮二許不知同宗與否何
許氏之多奇男子也禧亦故諸生方偷活浮沈於時

視二許肱不媿死入地哉或謂以諸生死國難及爭
毛髮喪其元為已甚禧曰此不可以責望天下士士
苟奮然出此雖聖人不以為過今夫伯夷叔齊讓國
而隱于首陽亦商家兩匹夫耳以武王之聖伐紂之
暴然卒且餓死而孔子以為賢子興氏以為聖萬世
而下未有非之者也當夫逆閹破京師主上殉社稷
公卿崩角措顙恐後期及夫毀章甫裂縫掖昔之鳴
玉垂紳者莫不攘臂傲傲之于此有貪賤士不食朝
廷升斗之祿無一級之爵顧毅然捨其軀命以爭名
義於毫末震天地而泣鬼神雖夷齊何以加焉禧故

因王會之言而特傳之惜夫窮鄉下里匹夫老生之
以死殉義者多有其人禧不及聞聞之或不詳而不
能為之傳也

魏禧叔
子集傳

許王家蘇州郡學生國變後隱居瑤城有更趣之出
封利劍一示以期曰不出則死王家曰死分也或勸
王家君故明一諸生胡遽以身殉王家曰君臣之義
豈論仕不仕耶吾讀孔子書殺身成仁講之已熟公
等勿復言以父母屬妻顧曰善事堂上吾不能終養
父母知不可奪含涕謂曰汝行汝志勿念我二人王
家爾水冠再拜赴湖水死年三十九沈子曰申酉之

際諸生殉節者許琰顧維寰顧所受許王家而外金
壇曰王明灝貴池曰吳應箕崑山曰朱集璜陶琰宣
城曰麻三衡丹陽曰賀向峻王介休武進曰張龍文
吳福之餘多姓名不傳者

沈德潛歸愚集傳

許用

許用江陰諸生南京亡列城皆下用倡言城守遠近
應者數萬人大兵入舉家自焚

大清一統志

汪叅

汪叅字中子周鍾門人也鍾參客京師會闖賊入參
和藥進曰先生負盛名當死無過今日鍾謝曰生幸

教我甚善然實無意引決參趣之再三唾曰吾誤矣
遂易正服遁賀向峻遇之逆旅握手約兄弟參善馳
射舞稍向峻喜擊劍每中夜呼起舞劍槩磨戛有聲
聞者心掉有時麻衣繩屨彷徨艸澤間抵暮相持慟
哭而返人目為狂生去之大丕山聚衆千人襲破金
壇兵破向峻不屈死參跳而免稍收餘卒搏戰城外
殺傷過當知事不濟步行挾短刃格殺四五人被重
創死參未死前數月周鍾以汚偽命論棄市

郎長蘅
青門集

傳

黎遂球

遂球字美周番禺人博學工文章舉鄉試南都既覆
唐王稱彌督廣州兵赴援贛州城破與弟遂珙死之

大清一
統志

遂球天啓丁卯舉鄉試死贛州之難有蓮鬚閣集

朱
尊明
詩錄

宋李吳月泉主社賦春日田園雜興羅公福擅場元
季饒介之主席賦醉樵歌張仲簡擅場崇禎初鄭進
士起宗未第時主會賦黃牡丹詩者百人美周居第
一時號黃牡丹狀元三事本太平佳話而皆出於百
六之秋公福肥遜仲簡遜初美周則授命處州三君

子各自靖尤為美談

朱彞尊靜志居詩話

龔用圓

用圓字智淵蘄州嘉定人天啓辛酉舉人嘉興儒學

教諭

朱彞尊明詩綜

侯雍瞻云先生司鐸嘉禾聞南都不守掛冠歸里城

破兄弟赴水二死相抱持

朱彞尊明詩綜詩話

黃嘉縉

翁諱嘉縉字季振別號樂玄卒丙戌享年六十三郡
兵破新城翁正衣冠端坐堂上兵入索寶物翁笑曰
架上書皆吾寶也兵以刃斫之翁曰君子不以變亂

易其志復正衣匡坐而卒甲申聞閭賊之變翁素服
悲號謂所親曰吾生為聖朝民死為聖朝鬼死後得
題明故二字於墓幸矣至丙戌而翁果行其言以死
於是寧都魏禧曰禧少翁四十年當甲申時憤恨懷
慨痛哭累日夜不欲有其生從先子倡義復讐後皆
不果而丙戌之際禧則愧於翁遠矣翁課子孫嚴性
不喜畜財產歲饑則設粥食餓者不繼作救饑丹濟
之多畜書敬名下士嘗損產振其緩急或禮養於家

魏禧叔子
集墓表

江天一

江天一歙縣人字文石正直廉介工文章世居寒江
村人稱寒江先生貧甚布巾常穿空見死家居居數
椽尾不足以草履之性剛好結友士至者倒屣惟恐
後獨郡縣重客雖相過避匿不肯見赴友之急視旣
患不屑意行踰禮法輒面叱責不少假貸人晚年益
嚴制舉業推奉休寧金文毅公聲講學里中癸未黔
中兵倚鳳督馬士英勢所過荼毒獨徽州堵禦有方
格殺黔兵主者啣之欲中徽人以法文毅坐此就逮
天一發憤具疏叩閤白其寃甲申國變明年南京陷
天一佐文毅公舉義兵參其軍與北兵相持累月而

止下
語

鄉人員大名為御史者陰導北兵從間道入師遂潰
文毅被執揮天一去曰老母在母從我死天一遂走
歸拜其祖母母及祖廟曰吾首與金公舉事義不能
使公獨死追文毅及之大呼曰我金翰林叅軍江天
一也遂并執之送南京同日遇害天一妻子并沒入
官閔導古蕭倫僧海明為購屍殯之同死者族孫孟
卿郡人陳繼遇吳國禎余元英

魏務叔
子集傳

江天一踰止黃石齋道周典試浙江天一袖文請見
道周大加稱賞留宿舟中縱談天下事天一嘗語客
曰吾黨立身如處女一失身則父母國人皆賤惡之

聲下洛以翰林
講學里中教民
聯保甲十二字

若誦法聖賢而見利則遷臨死生喪其守可賤孰甚
流寇熾中原天一厭舉業仗劍談兵時休寧金正希
聲以備亂天一師事之會鳳皆馬士英調黔兵衛陵
寢迂道徽州流賊乘隙冒黔兵潛入境百姓羣起殲
之士英不察疏奏徽民誘殺官兵詞連及聲人人自
危天一詣留都上書大司馬史道隣可法事乃解甲
申北都陷明年江南定唐王起閩以黃道周為相道
周故識天一復雅重金聲乃進聲侍郎兼都御史天
一參其軍舉兵恢復會其鄉有為御史者導我師入
守兵潰聲被執天一聞之拜別具大母母及祖廟乃

追及聲遂并執送江寧內院意欲活聲慰之曰曷不
黃冠歸老聲未及荅天一張目詈之斬於市初天一
被執舟次蕪湖作書報母曰君子作事當從古人偷
生事二兒宗恥之天下事尚不可知但有人作得一
分事復得朱家一塊土高皇帝在天之靈鑑必不
爽兒亦含笑九地母親年老有兩弟幸勿為兒過傷
父士潤遷湖廣巡司獻賊陷武昌投江死

陳鼎留溪外傳

廖應兆

石城廖公以全髮死於兵族祖石牀為作傳公諱應
兆字聖符別號太初往署當塗時直三王之國當事

欲毀濱河諸屋以牽百丈公為設筏沿崖濟之民居

得全者數萬家

魏禧叔子集
役人歌序

曾奉初

曾奉初市小賈也自改革後未嘗

缺二字

或有樂道

缺二字

字事者奉初輒罵之城既破奉初獨冠網巾衣大袖

袍儼然立屋庭中兵入叱之遂見殺

魏禮亭子集
寧都先賢傳

魏殷臣

魏殷臣字六若世既亂喜讀武經庚寅郡兵圍城殷

臣獨不肯

缺二字

其友往勸曰子盍留身復後用荅曰

誠如子言然使他日無所用是使我終不得為大明

人笑及城破錄尸者見其髮如故云人或叱之許王
重性緘默惡酒着滴酒穀盞中著遂不敢下魏禮曰
殷臣予族父行也蓋嘗與同飲酒云

魏禮為子集
序都先賢傳

劉恭北

劉恭北字方公縣學生貌骨清癯性簡傲特為崖異
喜駁議人物至貶孔孟以為常甲申烈皇帝崩恭北
痛哭賣衣為資作檄文徧謁當道請復讐丙戌贛州
陷恭北約眾為大全會欲以激奮眾人事不集徙居
釣峯會降兵過其地鄉人盡走恭北獨著生巾服當
門立兵叱曰汝何人曰大明廩生也曰何不剃髮曰

剃髮獨

缺二

可耳遂攢刃殺之

魏禮李于集
寧都先賢傳

吳昞

吳昞字闇卿歙縣人也父少亭業齋筴移家於揚昞
遊江都庠弟暄亦補弟子員昞性孝友尚氣節乙酉
大兵圍揚昞偕弟曰則荷戈城守夜則讀書興教寺
城垂破暄持兄痛哭昞正色曰吾輩父祖受國家恩
將三百年愧書生力弱不能提劍躍馬為朝廷捍疆
圉事不可為惟有一死為大明鬼耳弟其為僧庶幾
得保吳氏城破昞服儒衣北向再拜投佛殿前井中
死時妻譚依母氏聞夫死即以幼子溺水甕中整粧

投繯死於是譚氏父子姑婦以及僮僕婢媼數十人咸感其烈俱自經室如縣乾晒前妻子守信甫六歲先一月依叔母還歛賴暄教養以成

陳時留溪外傳

薛大觀

薛大觀字爾望號隱瞻江南無錫人其先洪武間采戍昆明以軍功得世職遂家焉至大觀以文章氣節重補弟子員同郡楊處士丹心以女妻焉生子二長之翰亦以文鳴妻孟以令淑稱次之屏五歲女一字同郡鄒生崇禎末張獻忠亂蜀旣而伏誅其黨孫可望李定國奔黔丁亥入貴陽屠定番我兵至可望趨

滇黔人多附之得官或勸大觀父子仕曰此賊官也
吾義勿為丙申定國與可望貳由安籠奪桂王入滇
大破可望於交水可望連詣長沙降而政歸李氏或
又勸出仕大觀曰此仍李氏之官非明官也乃挈家
隱於郡北里龍潭左之山中戊戌我兵破定國軍桂
王奔緬甸大觀仰天長號曰嗟乎明祀絕矣吾自祖
宗采十七世受國恩豈可事二姓呼其子語之曰天
命不可力爭然獨不能背城効死社稷乎奈何間關
外域欲依小夷求活耶吾不惜一死為天下伸大義
于後世之翰泣對曰兒志久決願偕大人死楊氏孟

氏曰父子為國死吾姑媳敢同死婢瑣兒方攜之屏
戲乃前曰主等俱為國死婢子敢請從死於是舉家
北面稽顙再拜俱赴水死其女偕鄒生避兵至女曰
與其辱身不義而死不如即死亦投水死

陳鼎傳
溪外傳

高復卿

高復卿浙東永嘉人與同郡何雲臣陳某為布衣交
甲申聞天子殉社稷與雲臣等素衣白旗首倡為國
報讐旬日衆數萬聚糧北發途阻不果本朝定江南
諸郡俱降復卿入拒鴈宕時游擊蕭啓榮與之相持
乃出疑兵以誘之復卿退保龍灣嶺啓榮進兵追之

復卿死戰士卒死者三千餘所遺猶扶創繞闔轉據
東厓血戰出走伏發墮澗中大呼躍起殺數十人被
擒啓榮親釋其縛與之酒食曰殺則便殺何用辱我
啓榮諭之曰國家興止皆有定數爾未食君祿以逆
王師勇則勇矣非智士也復卿曰家世業農未有聞
達然祖宗來三百年受有明水土之恩義不事二姓
願即殺我無多言啓榮義之不殺復卿遁去時何雲
臣已擒斬陳某遁去復卿招集散亡千餘人走海島
後朝廷遣官招撫陳某先降復卿勢孤其子勸之請
降復卿大怒舉硯擲之幾斃陳某以兵劫之曰孤軍

窮島雖管樂為謀亦無益矣復卿即入自縊繩絕墜
地復卿大呼曰大丈夫須決烈遂拔劍指陳某曰取
吾頭去成汝富貴吾聊以見烈皇於地下遂剄

外傳

孫臨

孫臨字克咸一字武公桐城貢生有楚水吟肄雅我
惺二集大略齋藁

朱彝尊
明詩綜

葛嫩字蘂芳余與桐城孫克咸交最善克咸負文武
才略好挾邪遊先妮珠市妓王月月為勢家奪去柳
鬱不自聊李十娘盛稱葛嫩才藝即往訪之值嫩梳

頭長髮委地雙腕如藕面色微黃腫人點漆納之間
房甲申之變移家雲間間道入閩授監中丞楊文驄
軍事兵敗被執并縛嫩主將欲犯之嫩大罵嚼舌含
血喫面將手刃之克咸乃大笑曰孫三今日登仙矣
亦被殺

余懷板橋雜記

韓默

韓默字文適號繡虎江都人博學工文章重意氣尤
工書補邑博士弟子員乙酉我兵南下史道隣可法
出鎮廣陵聞默賢禮致幕中屬以筆札裁答立就馬
士英與可法不合不發援師默知事不可為歸告其

妻蕭曰吾讀聖賢書當死義不可苟活若輩宜自為
計乃儒巾儒衣南向再拜投井死蕭謂其子彥超曰
汝長子父死當隨曰諾亦投井蕭命長女就縊乃抱
乳兒乳之置兒於地頓首於老嫗辛曰韓氏惟此一
塊肉望嫗善存之嫗攜孤然後自縊默同學高孝縊
亦巾衫縊死於文廟郡學王士琇書大行皇帝位供
堂上與其弟俱儒服自縊

陳鼎留
溪外傳

高孝縊

高孝縊字申伯江都諸生揚州城破書衣衿曰睢陽
志睢陽氣不二其心古今一致入學宮自經

大清一
統志

任源邃

任源邃者宜興之鄙人也乙酉之變逃入湖已而往來羣山中居久之乃出就呂氏于青山柵方酣戰而呂氏遁源邃被執至溧陽當事者命之跪源邃瞋目曰若獨非故明臣乎我恨不殺汝何跪為乃斷頭而死其兄元祥間行求其屍以葬之初元祥以文行自厲而源邃負氣狂放鄉里苦之年十五始讀書輒析大義元祥嘗為無賴子所侮憤曰我卽出而仕寧不能為若所為耶源邃目止元祥旣而曰一朝之忿終身之耻失言矣元祥改容謝焉乙酉師南下時江北

四大藩鎮其三解甲降二藩更隨豫王為前導江南
將相握兵者亦或竄或降而江陰尉閻應元獨固守
城八十日不屈死源邃起與相繼侯邦域曰源邃功
不成節乃見矣故明養士三百年或得其報或否豈
在貴賤哉源邃時年二十五或曰以子之年盡少待
源邃曰子惟其待乃不能死也余何待卒闕而死悲

夫

虞方域壯
悔堂集傳

范箴聽

范箴聽大興人從高攀龍講學魏國公徐允禎追為
館賓數有規諫賊至置一棺卧其上絕食七日死

大清

王崇圖

王崇圖金壇人邑諸生聞自成陷京師慟哭不食七日死時諸生王明灝王希高皆號哭不食死

大清一統志

許德溥

許德溥字元博如皋人事後母盡孝有宗人名直者殉甲申國難德溥壯其節日哭之明年揚州破德溥不薙髮然重違父意乃剪其半如頭陀他日讀唐史感張令監故事卽刺字兩臂曰生為明人死為明鬼又刺其胸曰不愧本朝未幾讐人告縣令捕德溥詰

其情卽慷慨自陳曰吾實不忍忘前朝故為此令曰
汝不識時務一布衣耳何為若此德溥厲聲曰忠義
之心人皆有之有何布衣搢紳之分但求速賜死得
為前朝鬼則快心耳令又逮其父德溥曰吾萬死不
辭但無累吾父足矣初庭立不為跪至是乃為父一
屈膝令感其誠釋其父止論德溥死遂絕粒十數日
獄卒恐為法受過泣以請乃幡然食曰餓與殺等死
耳吾豈畏一刀同里故卽官李之椿大生亦以論在
繫曰子真義士也臨刑殊從容四顧觀者曰使天下
人皆如我心大明安得便止徐引領北向曰吾今日

得為明鬼矣妻子當入旗胥王姓者感其義陰以妻

代行久之得贖歸

陳鼎留溪外傳

陳子龍

陳子龍字人中更字卧子青浦人崇禎丁丑進士官
兵科給事中殉節死詩教之衰至於鍾譚剝極將復
之候也黃門力闢襟蕪上追先哲厥功甚偉而責備
無已者謂仍不離七子面目將轔蟾齋鳴不必有鈞

韶之響耶

沈德潛明別裁集

陳子龍華亭人生有異才治詩賦古文崇禎進士選
紹興推官東陽諸生許友反聚眾數萬巡按御史左

光先命子龍為監軍討平之擢兵科給事中福王立
上江防之策知時事不可為乞歸後數年坐事死嘗

輯名臣疏議曰經世文編

大清一統志

子龍治詩賦古文取法魏晉駢體尤精妙崇禎十年
進士十七年擢兵科給事中事福王於南京言中興
之主莫不身先士卒故能光復舊物今入國門再旬
人情泄沓無異昇平清歌漏舟之中痛飲焚屋之內
臣不知其所終明年二月乞終養去子龍與同邑夏
允彝皆負重名允彝死子龍念祖母年九十不忍割
遁為僧尋以受魯王部院職銜結太湖兵欲舉事事

露被獲乘間投水死

明史

子龍有白雲州廬居湘真閣諸藁

朱彝尊明詩綜

練曰陳公父所聞已未進士父少有逸才文章雄麗
明詩自袁宏道鍾惺後失其正始公為人高視濶步
不可一世丁丑登第出黃公道周門官紹興司李歷
兵科給事中忤建白皆安危大議與馬阮不合謝病
歸乙酉金陵之變夏考功先死公為長書焚墓前述
已所以未死之意期不負夏公已而事露當事者訊
之公曰何必訊事皆有之但惜未得就耳不屈死族

平陵東炎精中燼妖彗紅平陵松柏生秋風四十萬
人頌符命巨君部在層城宮東郡太守建旗鼓排山
動地連關輔五威國將紛東馳大誥金滕亦何補污
宮薦棘雖無成天下始知稱漢兵不逢時會宣失策
猶與宛洛開先聲缺斗橫斜漸臺感白水真人坐黃
屋逢崩東帛卓茂封義公碧血無人哭男兒何必上
雲臺千古徒悲兩黃鵠沈德潛許義公之稱兵更難
於勝廣之開漢祖而光武之封不及何也不以成敗

論人俱有卓識

陳子龍湘真閣集

廬居行遯山河改歸來松菊荒尚餘三畝宅無復萬

家傍祈死煩宗祝偷生愧國殤但依親隴在含笑此

高岡

全上

酬李司馬萍槎先生久瞻樞府重明光投我連城雲
錦章傷亂已聞劉太尉賞音深愧蔡中郎九龍移帳
春無艸萬馬窺邊夜有霜早晚滄江驚驛使詔書先

問右賢王

全上

錢塘東望有感清溪東望大江迴立馬層厓極望哀
曉日四明霞氣重春潮三折浪雲開禹陵風雨思王
會越國山川出霸才依舊謝公攜屐處紅泉碧樹待

人來

全上

督亢燕南趙北起秋風亂後斜陽沒故宮此地興亡
原不小能藏七首入關中

全上

錢栴

栴字彥林嘉善人崇禎癸酉中順天鄉試以薦除職
方主事進郎中坐事死於市有白門集

朱黃尊
明詩綜

俞右吉云彥林貴公子性好結客復壯未舉之前具
有應社彥林實倡之平生與卧子交最深卒同其禍
仲子不識女壻夏存古咸有神童之目存古年十七
慷慨就死與婦翁白首同歸尤世所難也

朱黃尊明
詩綜

七夕獄中作對泣南冠度綺宵江鄉千里客愁遙

星若識人間事也定淒怆罷鵲橋

錢梅白門集

徐爾穀

爾穀字似之嘉興人國子監生坐事被逮死白門有

畫水艸堂詩藁

朱彝尊明詩綜

吳應箕

吳應箕字次尾貴池人與同邑劉城齊名并貢用世才博覽羣書寓金陵阮大鍼倡流言鼓煽人心應箕

為南都防亂公揭討之南都不守竟慷慨就死

大清一統

志

應箕縣學生乙酉死于難有樓山堂前後集

朱彝尊明詩綜

練曰吳公為太學生嘗攻阮大鉞與侯子善後大鉞
得政興黨人獄必欲殺吳公及侯子吳公語侯子曰
今有欲吾輩謝大鉞可轉禍為福者豈不為范滂所
笑哉會寧南侯稱兵聲言清君側而賴王兵已逼獄
乃解吳公歸起兵戰敗被執就刑語刑者曰吾死勿
去吾冠將以見先朝於地下也談笑而死

侯子城四
德堂集

祭吳次尾文讀萬卷書識一字是明三百年獨養此

士

侯子城壯
德堂集

先生羅九經二十一史于胸中洞悉古今順逆之迹
當崇禎中預慮燕都之必不能守聞者皆笑其迂而

先生持論侃侃名雖不登朝籍而人材之邪正國事之得失瞭如指掌撰有熹朝忠節傳兩朝剝復錄留都見聞錄東林本末續觚不觚錄或傳或不傳覽者可以當龜鑑矣分宜張爾公稱先生人文似陳同甫是誠知言聞先生授命處血跡至今猶存洗之不去

養弘耜紹以後不多得也

朱彝尊靜志居詩話

楊廷樞

楊廷樞字維斗吳縣人值里人周順昌被逮廷樞與王節等請於巡撫毛一鷺祈具奏免逮已而緹騎擊死廷樞坐除名崇禎三年舉鄉試第一諸生之討阮

大鉞也廷樞與其謀大鉞得志先捕首事五人廷樞
與馬會國亡乃已後數年以未薙髮被執不屈死

一統志

廷樞崇禎庚午鄉試第一有古柏軒詩集

朱集明詩綜

徐孝若云維斗吾黨之李元禮房伯武也見義當前
突怒無畏近讀其遺詩人之云亡遂成千古之憾

朱集

尊明詩
綜詩話

先生倡應社於吳中評騭五經文字張溥天如朱隗
雲子主易楊葵子常顧夢麟麟士主詩周銓簡臣周
鍾介生主春秋張采受先王啓榮惠常主禮記而先

生與嘉善錢枬彥林主書復與復社幾社合領解之後聲譽自重門下著錄者二千人晚歲巖居忽罹維繫其舟中遺書云廷樞幼讀聖賢之書長懷忠孝之志為孝廉者一十五載生世間者五十三年作士林鄉黨之規模肩綱常名教之重任惜時命之不猶未登朝而食祿值中原之有難遂蒙禍而捐生其年則丁亥之歲其月則孟夏之中方隱遯於山阿忽陷身於羅網時遭其變命付于天雖突如其來如亦已知之久矣生平所學至此方覺快然千古為昭到底終為不沒但因報國無能懷志未展終是人臣未竟之

事尚孤累朝所受之恩留此血衣以俟異日舟中失
志未能盡言末書四月二十八日復系以十絕句

朱發

尊靜志
居詩話

朱集璜

朱集璜崑山人學行為鄉里所推南都潰同邑人王
佐才周室瑜等城守及陷皆死之諸生陶琰鄉居聞
集璜死亦慷慨自縊

大清一
統志

黃淳耀

黃淳耀字蘊生嘉定人崇禎進士福王立南都諸進
士悉授官淳耀獨不赴南都亡偕弟淵耀入僧舍相

對縊死弱冠即著自監錄知過錄為日曆畫之所為
夜必書之著陶菴集門人私謚貞文淵耀字偉恭好
學敦行如其兄焉

大清一統志

黃淳耀初名金耀乙酉城破自縊

沈德潛明詩別裁集

黃陶菴先生少有盛名館於同里侯氏錢宗伯有一
子名孫愛甫成童欲迨師教之商之程孟陽孟陽曰
我有故人子嘉定黃蘊生奇士也宗伯厚幣迨之待
以殊禮居浹月孟陽出海棠小箋示黃黃詢唱者為
誰曰宗伯小君柳夫人作也子試點筆黃變色曰忝
居師席可與小君酬和乎孟陽曰此何傷我亦偕諸

君子和之黃曰先生耆年碩德與主人為老友固可
無嫌若淳耀則斷不可孟陽慚退先是館其撫軍幕
府有邑令聞在署橐數百金賂先生父致書俾為之
左右先生復父書曰父生男之身尤望生男之心若
行一不義取一非有男心先死矣尚何以養父乎

錫璫

黃陶菴深究性命之學晚年始達以國事日非不肯
出就官乙酉城破慷慨扼吭而死弟偉恭與其徒侯
幾道雲同日併命後二十餘年幼弟洪耀出應郡邑
試是夜家神主震動作聲微聞啾然若歎息者已未

歲余於都門遇陸翼王元輔先生門人也以博學鴻
儒召試試時忽有風掣其券恍惚間先生入夢大書
碧血二字示之陸為悚悟投筆而出遂不與薦仕
野人野人歎息朝無人朝中朋黨如魚鱗十官召對
九官默匍伏苟且容一身廟堂何人理陰陽頻年日
食四海荒吾欲上書問朝士却恐人訶妄男子黃淳耀

卷集

鄺露

露字湛若初生時甘露降於庭槐因名廣東南海縣

學生有嶠雅集

王士禎
感舊集

露著嶠雅有騷人之遺音廣州破抱所寶古琴而死

王士禛漁洋詩話

鄺露衣冠談笑有晉人風尤工篆隸五言詩善琴為諸生有名一日學使以恭寬信敏惠命題文成凡五比以大小篆隸楷行書五體寫之學使怒其狂妄五等露夷然不屑

王士禛華紀聞

鄺露狂生也負才不羈敝衣跣履行歌市上旁若無人

王士禛北隅談

懷人絕句海靈畸人死抱琴朱絃疏越有遺音九疑

淚竹娥皇廟字字離騷屈宋心

王士禛經堂集

屈翁山云湛若好大言汪洋自恣以寓其牢騷不平
之志或時清談緩態效東晉人風旨所至輒傾一座
至為詩則憂天憫人主文譎諫雖小雅之怨誹離騷
之忠愛無以尚之梁芝五云湛若上元跨馬衝南海
黃令行幘令怒拘之微吟曰騎驢適值華陰令失馬
還同塞上翁及廣州城陷猶倚柱鼓琴為兵所刃抱
琴死錦衣葉君贖之嵇侍中之夜房公之馬宜為世
所重也

朱彝尊明
詩綜詩話

湛若居恒以才略自負見海內多事因學騎射跨馬
出門衝縣令頭踰令怒申文學使者除名將加桎梏

山命之廣西遍尋鬼門銅柱舊蹟游于岑藍湖廣樂
五缺為瑤女執兵符者雲譚孃書記歸撰赤雅紀其
山川風土儀物及女君天姬隊歌舞戰陣之制家蓄
真墨蹟享帛千金素問業於香山何閣老吾驕閣老
見而愛玩不已湛若分手脫贈既而大悔挈舟抵香
山升閣老之堂欲自掛楸上閣老亟卷還之又蓄二
琴一曰南風宋理宗宮物一曰綠綺臺唐武德年梨
明康陵御前所彈也出入必與二琴俱廣州城破湛
若抱琴死綠綺臺為老兵所得粥於市歸善葉錦衣
解百金贖歸至今存其家詩曰嶠雅手書開雕極精

楷

朱彝尊靜志居詩話

張煌言

煌言字玄箸鄞人崇禎壬午舉人

朱彝尊明詩綜

聞公就執制府趙清獻公待之以禮慰勸再三卒以不屈含笑受刑殮而葬之雷峯之右至今有包麥飯而祭者清獻之寬仁足以頌矣

朱彝尊靜志居詩話

夏允彝

夏允彝字彝仲華亭人好古博學崇禎進士授長樂知縣善決疑獄吏部尚書鄭三俊舉天下廉能七人以允彝為首南都失守賦絕命詞赴水死

大清志

宋曰夏公二十二舉孝廉有盛名六上春官不第慨
然有志於著述時陳公子龍李公震皆後起公首倡
之天下文章之宗歸雲間焉丁丑舉進士歷官吏部
員外公有經濟大略兼為清流所推重阮大鍼惡之
解官歸乙酉金陵之變從容拜闕畢赴水死

族方城
四憶堂

集

夏允彝弱冠舉於鄉好古博學工屬文是時東林講
席盛蘇州高才子張溥楊廷樞等慕之結文會名復
社允彝與同邑陳子龍徐孚遠王光承等亦結幾社
相應和崇禎十年成進士授長樂知縣善決疑獄丁

母憂北都變聞走謁史可法與謀興復聞福王立乃
還其年五月擢吏部考功主事疏請從制不赴未幾
南都失守徭徨山澤間欲有所為聞友人侯峒曾黃
淳耀徐汧等皆死八月賦絕命詞自投深淵以死允
彝死後二年子完淳兄之旭并以陳子龍獄詞連及
亦死而同社徐孚遠舉於鄉因松江破遁入海中死

於島中

明史

夏完淳

夏完淳字存古允彝子以陳子龍獄詞連及逮下獄

臨刑色不變

大清一統志

夏完淳十五從軍十七授命生為才人死為鬼雄汪

錡不足多也詩格亦高古罕匹

沈德潛明詩別裁集

夏完淳有玉樊集南冠艸

朱彞尊明詩綜

鍾廣漢云陳大樽選明詩存古年纔十餘而宋轅文

愛其論詩以作序此時已許其作後進領袖矣迨十

五從軍十七授命磨盾艸檄不異老生宿儒真異稟

也

朱彞尊明詩綜詩話

存古南陽知二江夏無雙束髮從軍死為毅魄其大

哀一賦足敵蘭成

朱彞尊靜志居詩話

秋懷涼風何瑟瑟吹我遊子顏歷歷江上林流蟬鳴

其間浮雲西南征一去何時還駕舟凌洪波杖策窮
崇山君子不遑息小人豫以閒感激在溝壑敢念徒
旅艱中夜起百憂勞人獨長歎

夏完淳
南冠州

精衛北風蕩天地有鳥鳴空林志長羽翼短銜石隨
浮沈崇山日以高滄海日以深愧非補天匹延頸振
哀音辛苦徒自力慷慨誰為心滔滔東逝波勞勞成
古今沈德潛評此淵明詠荊軻作也

全上

秋夜感懷登樓迷北望沙艸沒寒汀月湧寒江白雲
連大海青征鴻非故國橫笛起新亭無限悲歌意茫

茫帝子靈

全上

馬純仁

馬純仁字撲公六合人南都失守與友人約同死友人背約純仁走水濱題銘於橋柱抱石而死年十八

大清一統志

賀向峻

賀向峻字葵忱丹陽之蔣墅人補邑諸生豪宕負奇氣好呼盧博塞浮白酣呼醉則指切時事罵詈貴人相與抵掌大笑甲申聞愍帝死國痛哭累日咯出血數升留都擁立柄國者方營苞苴漁聲伎植朋黨外則藩鎮擅兵恣睢向峻知事不可為居恒切齒曰賀

某奇男子一腔血竟洒何地乙酉五月王師拔金陵披髮狂走呼汪參帳首跨兩刃率壯士十餘人馳去大五山旬日聚衆千人襲金壇破之會大軍徇江南諸郡縣向峻為主兵者畫計策不聽或勸去之曰共舉事棄之不義吾與城俱碎耳兵敗被執不屈遇害

時年十九

師長齋青門集傳

許琰

許琰字玉仲吳縣人為邑諸生崇禎十七年流賊破京師烈皇帝殉社稷問至諸生臨明倫堂琰裹杖擗踊盡哀南都領監國詔而哀詔未頒又詔中無討賊

意琰憤甚走訴大姓謀倡義舉兵無應者益憤自經
於福濟院道士解救不死復沈於胥江時潞王奔吳
將適越泊舟胥江令人扶救琰知為潞王責以召南
方義士合兵討賊王亂以他辭琰曰琰江左一秀才
耳平日誦聖賢書尚知君父之讐不共戴天王為天
子懿親一朝國破君亡不思恢復何面目見二祖列
宗耶王不應琰椎胸曰死耳躍入江隣舟救之昇至
家家人日久守不得死尋聞哀詔至卽庭中稽首踊
痛遂絕粒妻趙攜幼子泣勸之食琰自嚼其舌嚙血
被面肢體自書崇禎聖上四字凡數處七日死時六

月十二日有詞在衣襟間曰嗟我生之不振兮天不
祚我明盜賊_逢起兮海宇披猖我君殉社稷兮列祖
用光被劇荼而美新兮廉恥道喪慷慨成仁兮遑恤
我躬願為厲鬼兮從我君王

沈德潛
愚集傳

琰字玉重長洲縣學生贈博士

朱彝尊
明詩綜

王仲磊落不羈崇禎十七日聞京師變過友人宴飲
琰擲盃詎曰今日何日尚欲縱酒耶拂衣去已而聚
哭明倫堂琰獨裹扶擗踊踴泣趨古廟自經為人所
解聞京詔至稽首踴痛而卒鄉人私謚潛忠先生時
長洲生顧所受為琰立傳南都潰投泮池死

大清一
統志

王重青衿未受一命無必死之義而忠憤奮發始繼
于家隨繼于福濟觀皆為人救解復投胥門城壕時
潞王舟泊城下遙見之命水夫掀起抵家聞哀詔至
宛轉悲號賦詩有一箇書生難殺賊願為厲鬼效微
忠之句絕粒七日而歿

朱葉尊前
志居詩話

許重玉六歲讀論語至攻乎異端問其師師曰非聖
人之道楊墨之教也曰方之今者孰似曰釋道是也
於是遂不拜佛時有僧名宗衡者與父兄善嘗過其
家重玉見必色變衡訝之曰與君無讐何為怒目相
待曰汝背聖賢棄倫常以亂吾儒何謂無讐耶時才

七歲也父母死六年之喪未嘗一日輟哭甲申國變
卽通書崇禎聖上四字於裏衣裏經悲號誓死家人
勸之曰君一諸生耳非有官守之責穀祿之奉可以
死可以無死死傷勇聖賢所不取也重玉瞋目叱曰
夫君安天下以生我臣民者也生我臣民天下之父
母也烏有父母賊害而為子者尚可苟活乎況我已
食廩食人之食者當死人之死投閭江家人奔救不
食七日而死

陳鼎留
溪外傳

顧所受

顧所受字東吾長洲生與許琰相善聞琰死往哭曰

公死矣後死者其誰與歸及南都擁立君臣偷安所
受憤憤時鬻臂出血明年王師渡江所受詣琰殯告
曰所受以不死者欲有所俟以成公志也今已矣敢
不從公地下至學宮拜先聖訖投類池中死暴屍烈
日中色如生勃勃餘怒氣

沈德潛歸愚集傳

湯文瓊

湯文瓊字兆鰲石埭人性至孝以布衣憤切時事并
疏陳備禦之策不報及閩賊陷京師乃大書報國二
字於館壁又書位無文丞相之位心有文丞相之心

自經死

大清一統志

北京布衣贈中書舍人湯文瓊聞帝崩煤山書衣帶
云位非文丞相之位心則文丞相之心慷慨自殺又
聞金陵有丐者聞北京變搏膺大哭赴百川橋下死
謝康樂詩云本自江海人忠義感君子是也

朱彝尊靜

志居
詩話

顧維寰

顧維寰長洲生諸生哭烈皇帝時直指朱一敬謁文
廟衣緋衣鳴金呵殿揚揚而來諸生中有頎然而長
者為張長瀾與維寰前數直指曰此乾坤何等時猶
服此服耶指明倫堂額示之褫其服直指惶悚然猶

稱流寇為西兵維寰唾曰逆賊逆天犯上含血氣者
皆欲食賊之肉公稱如敵國意何為直指不敢對是
夜誤傳長瀾自經維寰曰我不可後越五日經於祖
墓前古松下維寰籍學宮時係趙姓故或傳趙維寰
實一人長瀾雖未死然終其身亦不辱志行

傳

沈德潛
歸愚集

張孝起

張孝起字將子吳江人崇禎十三年特賜進士任廉
州府推官城陷被執永曆元年始得出獄從幸梧州
遷兵科給事四年會十三營自焚戰敗入行在跋扈

不法孝起疏劾其罪直聲大震有鄖國公高必正者
閩賊李自成之妻弟也驕騫尤甚孝起責以大義卒
懾服焉五年從幸南寧孝起出為高雷廉瓊四府巡
撫未至四府已陷乃入廉州山中依靖氛將軍鄧耀
於龍門島後依漳平伯周金湯金湯敗走孝起倉卒
被執不食七日死之

鈕琇
觚賸

盧渭

盧渭字渭生長洲人南渡時馬士英入相命史可法
督師淮揚渭抗疏乞留可法云汪黃在內李綱在外
宋終北轅不納可法建禮賢館以招四方之士渭與

馬揚州被圍城破赴水死

大清一統志

劉曙

劉曙字公朝長洲人崇禎進士南都陷上海諸生欽
浩通款於魯王署忠義士二十三人以曙為首其書
為邏者所得捕曙對簿曙實未嘗識浩而絕不置辨
不肯屈膝臨死賦詩別母

大清一統志

曙別字穉圭崇禎癸未進士除南昌知縣未赴居父

憂坐事械至江寧死于市有節必居藁

朱彝尊明詩綜

乙酉八月十四日夜匿影農家夢揚維斗作緬思定
交日總角氣方壯文酒多奇懷圭璧有微尚中原今

陸沈吾道未淪喪亂離憶朋儔鷄鳴不能忘乃知君
與友一氣相摩盪浩歌絕命辭與子共酬唱所敦在
宿昔存沒總依傍相期泰華巔千秋訊無恙

劉曙節
必居藁

李幹才

李幹才字篤生弼肥泉鹽城人補弟子貢時流賊日
熾幹才慨然謂同學曰方今國家亡無日矣於是相
與學騎射習兵法甲申三月幹才捧巾衫北向叩頭
大哭焚之遂遁處海濱手置土室可三尺自囚於中
屏穀不食家人視之悉麾去惟一童子捕魚給之明
年江南定有司知其金髮許于學使逮治舍笑而往

監吏管陽欲脫之以身代幹才不可遂見學使詰曰
汝獨不畏死耶曰吾宗不忍為兩姓臣子學使以為
顛放之歸幹才歎曰逮我殺我我之願也今不殺我
敢苟全以負國家養士之隆乎遂絕食十八日濱死
告其友人曰君當與諸子為詩生哭我具物生祭我
吾目方瞑於是友人數十輩成詩具祭以往幹才寔
幘方袍自位上座受諸子祭畢張目連頷而卒

外傳

陳鼎
留溪

歐敬竹

歐敬竹武進市人也舌短好大言無生產為人修破

扇餬口得百錢卽獨飲市中醉後仰面卷舌而歌市中人皆笑之甲申三月聞變招鄉隣人與飲曰行與若訣盡我一危酒其妻提壺適來睨之笑曰子休矣聞舊官皆作新官又安在子敬竹曰嫗何知此而翁所以欲死也竟闔戶自經死

邵長蘅青門集傳

石士鳳

石士鳳武進市人也家貧無妻子畧識字有一僕亦無妻子甲申之變士鳳市酒脯祭其先拜且哭哭已邀隣人與痛飲竟日迨夜潛赴忠義祠池中死忠義祠者故祀宋信國公文天祥而姚訔陳炤王安節以

下十三人配姚陳諸公皆宋末守常州城陷死之士
鳳死人無知者比曉其僕踰哭於市曰主人死矣覓
其屍不得至池旁見雙履乃得屍先是士鳳自剪紙
為位大書曰明布衣石士鳳之位納之忠義位次十
三人下又以三金子鬻棺者曰世亂吾無用此姑寄
汝士鳳死遂取棺以殮其僕終身不娶今尚存邵生
曰歐敬竹石士鳳可以不死然竟死悲夫

邵長蘅青
門集傳

髯樵叟

髯樵叟失其籍未詳其姓名美鬚髯善樵年又最高
故曰髯樵叟身長八尺餘每負薪三百觔賣於市只

索百斤直人問其故答曰人之力均負百觔吾力能
負三百觔者天也吾寧敢邀天之功以為己利哉邀
天不祥利己不善每清晨必負薪入市賣薪必沽酒
痛飲放歌以歸日日如是采薪洞庭山中人迹罕到
地人又聞之曰吾多力合遠樵彼力少者應讓之近
地甲申夏山中人沸傳李賊陷京師崇禎殉社稷已
改元永昌叟聞之椎胸長號曰吾向知天子姓朱何
乃忽換姓李耶賊何為我天子遂痛哭三日投震澤

中死

陳鼎留
溪外傳

狗屠

狗屠江陰青陽里人失其名尚書張有譽之族兄也
以屠狗養二親二親皆老俱好飲狗屠日沽美酒奉
之鼓腹謳吳歎或說笑談或手舞足蹈高聲唱謠相
國月下追淮陰曲二老歡狀為盡酣二老年九十餘
而卒狗屠年亦七十矣痛哭如孺子既葬以屠業付
二子二子亦能事父母狗屠三年哭畢日攜一樽酒
八社祠與羣乞兒雜坐飲醉笑談唱曲以自樂甲申
思宗殉宗社狗屠聞之大哭不欲生及聞李賊滅狗
屠大喜遍走告人曰李賊滅矣李賊滅矣似恐人不
知者福王立南京狗屠益大喜遍走告人曰是猶朱

氏之天下也是猶朱氏之天下也及江南定狗屠感
頤曰朱氏斷根矣朱氏斷根矣卽持屠刀自屠而死

年七十有

缺陳鼎留
溪外傳

賣餅叟

賣餅叟江陰人失其姓名年九十餘脩髯鶴髮雙眸
炯炯日負餅一筐入市賣賣已沽酒一壺坐君山顛
對長江獨酌微酣卽鼓掌高吟大江東去浪淘盡千
古風流人物句時中原塗炭叟歌已輒北望嗚咽垂
涕而後歸叟有五男皆老眉皓鬚十二孫髮皆班白
曾孫數十人俱壯玄孫亦數十人半抱子皆業餅叟

舉目五世統膝男女數百人皆知孝讓鄉人慕之叟
嘗集子孫告之曰太平垂三百年矣盛極必衰零落
之慘將至矣吾邑宿稱尚義其不免乎命冢孫率其
屬遷梁溪曰存吾祖宗祀未幾李賊篡位叟呼天號
泣曰吾世受國朝水土恩今年已及百尚敢偷生賊
世耶遂投楊子江死年九十有九乙酉我朝定江南
惟江陰百姓城守叟之子孫皆戰死城下

陳鼎附
漢外傳

搖船客

搖船客者失其姓氏國變後常率小舟往來三吳間
載貨為食必泊僻處或楊柳美集中攜樽痛飲醉則

誦離騷天問其聲悲慘聞者欲泣善射能引二石弓
金陵羣少年操弧矢賭飲燕子磯傍有周生者百發
百中搖船客曰善則善矣未盡其神也周生愠請試
之搖船客令立十竿為的於百步外引彀大呼曰中
某鄣百矢無一虛諸少年大驚邀上座請姓名曰吾
搖船客耳無姓名也取觥自酌竟酣而去寒山寺題
絕句云一葉長江萬里浮填胸空有半山愁痴心想
望黃河水逆向崑崙西北流自嗟無地可依栖只合
孤舟東復西怪殺傷心隄畔樹年年春暮子規啼後
聞南中事長跼痛哭投水死

陳鼎留
溪外傳

金陵乞兒

金陵乞兒失其姓名明末冠釋冠履朱履躡木屐負
方瓢挈竹筐尾簞乞食於市善與則鞠躬受之蹴而
與者皆不顧也甲申北都陷福王建國南都乞兒傷
之日飲醇酒醉則坐鍾山顛放聲長號曰嗚呼孝陵
麋鹿遊矣離宮戎馬馳矣衛士惡之持戈逐之不及
間日又往哭復逐之不及衛士怪之問於尉尉令伏
數人山谷中俟其來乞兒又往哭伏起射之不中追
之又不及於_缺乞兒懼不敢登山惟乞而飲飲而醉
醉而哭大兵南下相國馬士英挾福王遁百姓開門

降乞兒乃碎瓦罐破方瓢毀翦冠題詩秦淮橋柱曰
三百年来養士朝如何文武盡皆逃綱常留在卑田
院乞丐羞存命一條遂擲筆投水死

陳鼎留
溪外傳

西安丐者

西安丐者失其姓氏秦人也李賊之亂秦中塗炭丐
者攜弊筐乞食西安市中夜則宿北城戍樓下守門
軍見其步趨方正語言爽朗而筐中貯書卷暇輒披
閱知為故家子也竟不呵逐以是得久栖癸未十月
闖賊破西安大肆淫掠丐者忿之每夜故戍樓輒痛
哭如是者三月至除夕郡中人傳明朝李賊僭皇帝

位馬者聞之歸戎樓大哭題詩壁上曰分茅踐土莫
非臣雉堞重重寄此身世上如予何必死明朝不是
大明人投筆自經元朝李賊僭號大宴賊百官於庭
有都司吏邱從周忿之陽以從事治宴見賊百官拜
舞呼萬歲畢各就位飲三爵起奉觴前為賊壽從周
忽盡脫其衣禪直至賊前舉壺擲擊賊頭顧不中大
罵逆天無道賊安敢如此無狀群賊攢刃斫之被數
十創罵不絕口死

陳鼎傳
溪外傳

徐烈母

徐烈母寧海州儒家女萊陽左公母也知書有大節

明崇禎甲申左公啣命督餉江左母居京師三月京
師陷公從兄吏部郎懋泰以車載母間道東歸而身
與張尚書忻郝侍郎晉徒步以從至白溝河仰天歎
曰嗚呼此張叔夜絕吭處也呼懋泰前責以不能死
國吾婦人身受國恩不能草間偷活寄語吾兒勉之
勿以我為念又見二公責之曰公大臣也除一死外
無存身立命處二公勉之言訖而死蓋出都不食已
數日與左公之死相距僅一歲

王士禛
北隅談池

青莊館全書卷之四十六

庚午夏典牲署
書負申景桓



青莊館全書卷之四十七

磊磊落落書卷之十二補編目錄下

榮王慈炤永王
慈炤更考原本

周世孫

吉王慈燿

榮王慈炤

益王由本

惠王常潤

定王慈炯

永王慈炤

淮王常清

岷王子

朱術桂

朱重睿

朱誼斗

子存枉
存柘

十三王

朱之瑜

錢龍錫

錢士升

黃景昉

吳姓

范復粹

易應昌

鄭三俊

金光辰

李長庚

方士亮

詹爾選

方孔炤

張慎言

鮮學龍

毛士龍

高斗樞

熊明遇

丁啓睿

張鏡心

鄭同元

郭之奇

魯橐

陸符

余正元

杜文煥

陳啓新

沈通明

惲本初

焦之雅

弟之夏

房廷詳

鄒之麟

曹履泰

子元方

顧朱

范養民

李覃谿

李實

朱治升

周容

張長瀾

張采

沈巨儒

李光祀

黃宗炎

朱朝瑛

宋振麟

趙天騏

徐開禧

項聖謨

樊圻

卜舜年

文明

張風

蕭從雲

宋珏

陳應麟

趙甸

查士標

黃家舒

蕭顯

張致中

朱明德

王璣

常延齡

龍在田

譚先

魏菁

周有鳳

董升

顧大綱

劉應期

樊夢斗

李先生

謝秀才

康世爵

田好謙

李應仁

麻舜棠

文可尚

胡克己

王鳳崗

黃功

馮三仕

陳鳳儀

鄭先甲

張三生

王俊業

韓登科

劉太山金長生

張道士

弘瑜

秦良玉

童夫人

屈氏

崔四姐

柔姐
緊姐

王烈母



青莊館全書卷之四十七

磊磊落落書補編

下

完山李德懋懋官著

周世孫

德水

男光葵奉米編輯
李晚秀蕙隣校訂

周世孫失其名 太祖第五子定王補之後父恭
守汴禦李自成有功及自成再圍汴決河灌城河北
援軍以舟迎恭柁去寓死彰德贈謚未行世孫國亡
南走死於廣州

吉王慈燿

吉王慈燿父由棟

英宗第七子簡王見浚後藩長

沙傳六世而至慈燿崇禎九年嗣十六年張獻忠入

湖南慈烽與惠王常潤走衡州隨入粵國亡死於緬甸

榮王慈炤

榮王慈炤父憲王由柎 憲宗第十三子莊王祐樞
之後藩常德傳五世而至慈炤張獻忠入湖南奉母
妃姚氏走辰溪不知所終

益王由本

益王由本 憲宗第六子端王祐楨後藩建昌傳四
世而至由本萬曆四十三年嗣國亡竄閩中不知所
終

惠王常潤

惠王常潤 神宗第六子先是福王之藩內廷蓄積
為空常潤年二十未選婚其後兵事亟始減殺成禮
天啓七年之藩荊州崇禎十五年十二月李自成再
破夷陵荊州常潤走湘潭遇風於陵陽磯宮人多漂
沒僅以身免就吉王於長沙十六年八月張獻忠陷
長沙常潤走荊州就桂王衡州繼陷與吉王桂王走
永州巡按御史劉熙祚遣人護三王入廣西以身當
賊永州陷熙祚死之常潤不知所終

定王慈烜

定王慈烜 烈皇帝第三子崇禎十四年六月諭禮
臣朕第三子年已十齡敬遵祖制宜加王黼但既受
冊封必具冕服而會典開載年十二或十五始行冠
禮受封加冠可並行乎於是禮官厯考經傳及本朝
典故以奏是歲冊封越二年行冠禮九月封定王十
一月選新進士為檢討國子助教等官為待詔講讀
官以兩殿中書充侍書十七年京師陷不知所終

永王慈烜

永王慈烜 烈皇帝第四子崇禎十五年三月封永
王賊陷京師不知所終

淮王常清

淮王常清父翊鎮 仁宗第七子靖王瞻塿後藩饒
州七傳而至常清國變不知所終

岷王子

岷王子失其名 太祖第十八子莊王梗之後永曆
己亥從 帝入緬不及與其族八十餘人入暹羅

朱術桂

朱術桂故寧靖王遼藩後也國亡依鄭成功於臺灣
清康熙癸亥將軍施閔破臺灣術桂以王印授鄭克
塽遂投繯死妾袁氏王氏秀姑梅姐荷姐從縊于堂

越十日藁葬於鳳山縣長治里

朱重容

朱重容字子莊寧獻王九世孫亂後隱居南昌之夢洲能詩工書善蘭竹小品

朱誼泂

子存枉存柩

朱誼泂字子斗故永興王府奉國中尉萬曆以來宗室文人莫盛於秦秦之宗有七子誼泂最少為人孝悌忠信以詩文為關中士人領袖子存枉存柩存柩為諸生李自成陷西安府義不屈投井死存枉扶其父逃之村墅得免甲申後十一年卒年八十存枉亦

溫恭惠慎以求全於世惟恐人目之為故王孫然盱衡扼腕言天下事無所忌難顧炎武歎曰國家向日裁抑太過無有強宗大豪如南陽諸劉得以挽新莽之威而保先人之祚者悲夫

十三王

十三王明宗室失其名庚寅同長史某避兵武林為清人所殺

朱之瑜

朱之瑜字魯嶼號黃檗禪師舜水人明宗室國亡入日本不娶無後

錢龍錫

錢龍錫字稚文松江華亭人萬曆丁未進士由庶吉士授編修屢遷少詹事天啓四年擢禮部右侍郎協理詹事府明年改南京吏部右侍郎忤魏忠賢削籍烈皇帝初即位以閣臣黃立極等不足任詔廷臣推舉十人貯名金甌焚香肅拜以次探之首得龍錫遂拜禮部尚書兼東閣太學士明年六月入朝與李標劉鴻訓等協心輔理朝政稍清龍錫故主定逆案魏忠賢遺黨王永光高捷等銜之次骨會袁崇煥殺毛文龍初文龍擁兵皮島有跋扈狀崇煥嘗與龍錫語

文龍可誅及崇煖欲成和議龍錫移書止之二年冬
清人薄都城帝怒崇煖戰不力下獄捷遂上章指
通款殺將為龍錫罪且言祖大壽師潰由龍錫所挑
又言納崇煖賄數萬巧為營幹帝遂發怒逮龍錫
論死且用夏言故事設厰西市以待四年五月大旱
刑部尚書胡應台給事中劉期珠等乞宥龍錫乃釋
戍定海衛十二年不得原弘光時復官歸里卒年六
十八

錢士升

錢士升字抑之嘉善人萬曆丙辰殿試第一授修撰

天啓初乞養母歸久之進左允中不赴高邑趙南星
同里魏大口受璫禍及江西同年生萬燝校死追贖
皆力為營護破產助之以是為東林所推崇禎二年
以詹事召會座主錢龍錫被逮送之河干即謝病歸
六年九月召拜禮部尚書兼東閣大學士參預機務
明年春入朝時帝操切臣下溫體仁以刻薄佐之
中外囂然士升因撰四箴以獻大指謂寬以御衆簡
以臨下虛以宅心平以出政其言深中時病帝雖
優旨報聞意殊不喜也無何武生李璉請括江南富
戶行首實籍沒法士升曰此亂本也乃疏言今秦晉

楚豫已無寧宇獨江南數郡稍安此議一倡無賴亡
命相率與富家為難不驅天下之民胥為流寇其勢
不止䟽入 帝報曰即欲沽名前䟽已足致之母庸
汲汲前䟽謂四歲也士升惶懼乞休 帝即許之士
升初入閣溫體仁頗援之及體仁推轂謝陞唐世濟
士升皆助之文震孟被擠士升弗能救論者咎之至
是乃以謹言去位國變後七年卒

黃景昉

黃景昉字太樸晉江人天啓乙丑進士由庶吉士歷
官庶子直日講崇禎十三年 帝御經筵問用人之

道景昉言推官成勇朱天麟廉能素著而不得預清
華選刑部尚書鄭三俊四朝元老清白無倚不當久
繫獄三俊旋得釋勇等亦改官十五年六月召對稱
旨與蔣德璟吳甦並相明年加太子少保改戶部尚
書文淵閣南京操江故設文武二貲 帝欲裁去文
臣專任誠意伯劉孔昭又以副都御史惠世揚遲久
不至命削其籍景昉俱揚爭之 帝不悅遂引疏歸
隆武初召入直未幾復告歸國變後家居十數年卒

吳甦

吳甦字鹿友揚州興化人萬曆癸丑進士歷知邵武

晉江二縣天啓二年徵授御史初入臺趙南星以年
例擬出之姓乃薦方震孺等追論崔文昇李可灼罪
遂得留後又言內操宜罷請召還鄒元標馮從吾文
震孟乃積忤魏忠賢七年二月削其籍崇禎初起故
官溫體仁許錢謙益而周延儒助之姓恐帝即用
二人因言枚卜大典當就迂推中間用事遂得已時
大治忠賢黨又值京察姓言此輩罪惡非考功法所
盡宜先定其罪毋混察典御史任贊化劾體仁坐譴
姓論救而力詆王永光媚璫皆不納尋按河南捕誅
妖賊奉命賑延綏饑因諭散賊黨復按陝西劾大將

杜文煥冒功賞之法超擢右僉都御史巡撫山西八
年秋清人平察哈爾旋略朔州直抵忻代守將屢敗
姓坐鑄五級戴罪視事先是定襄地震者再姓曰此
東胡之警也飭有司繕守具而已果入定襄以備獨
不被兵山西大盜賀宗漢等就撫而擁衆自恣姓密
令參將虎大威等誅之樹二白旗脅從及老弱婦女
跪其下即免死全活甚衆在晉四年謝病歸十二年
春起兵部左侍郎時邊關戒嚴姓久不至帝怒落
職閒任十三年冬起故官明年命協理戎政帝嘗
問京營兵何以使練者盡精汰者不諱姓對曰京營

邊勇營萬二千專練騎射壯丁二萬專練火器廩給
厚而技與散兵同宜行分練法技精者散兵拔為邊
勇否則邊勇降為散兵壯丁亦然老弱者汰補以漸
不可使知有汰兵意 帝然之又問別立戰營能得
堪戰者五萬否姓曰今練兵要在選將有戰將斯有
戰兵法忌紛更不必別立戰營 帝顧兵部尚書陳
新甲趣行之初周廷儒再相馮銓力也廷儒許復冠
帶銓果以指財賑飢屬撫按題叙廷儒擬優旨下戶
部公議大沸廷儒患之馮元颺為姓謀說廷儒引姓
共為銓地廷儒默援之遂以十五年六月擢禮部尚

書兼東閣太學士及近儒語銓事。性唯唯，退召戶部尚書傅淑訓曰：「逆案不可翻寢，其疏不覆。」近儒始悟為姓紿也。十六年三月，帝以襄陽、荊州、承天連陷，召廷臣垂淚謂姓曰：「卿向厯巖疆，可往督湖廣。」姓請得精兵三萬自金陵趨武昌，扼賊南下。帝方念湖北不悅，御昭文閣諭曰：「南京隔遠，何必退守？」姓曰：「左良玉踞江漢，橫甚。臣若節制不行，徒損威重。」南京從襄陽順流下窺伺，甚易。宜兼顧，非退守。」帝令兵部速議。發兵尚書張國維請以總兵唐通、馬科及京營兵異姓。又言：「此兵方北征，敵退可調。」姓屢請。帝曰：

徐之踰月迺儒出督師朝受命夕啓行蔣德璟謂倪
元璐曰上欲吳公速行緩言相慰誠其志盍觀首輔
疾趨哉大學士陳演又言關門無備請留通兵姓不
得已以五月辭朝出勞從騎帝猶命中官賜銀牌
給賞越宿忽下詔責逗留命輟行入直姓惶恐引罪
遂許致仕姓既行演及銀衣都督駱養性交搆之養
性即迺儒黨而為姓所抑者也七月帝薨吳昌時
因叢怒曰朕待迺儒厚乃納賄行私命姓督師乃百
方迺緩迺儒被糾姓何獨追既而曰朕雖言終無糾
者錦衣衛可宣姓候旨姓入都敕法司議罪十一月

成金齒南京兵部尚書史可法馳疏救不從明年行
次南康聞國變未幾弘光帝立南京赦還復故秩
吏部尚書張慎言議台用姓為劉孔昭等所阻國亡
後久之卒於家

范復粹

范復粹黃縣人萬曆己未進士除開封推官崇禎元
年為御史廷議移毛文龍內地復粹言海外生靈誰
非赤子倘棲身無所必各據一島為盜後患方深又
言袁崇煥切在全遼而尚寶卿董懋中詆為逆黨所
庇持論狂謬懋中遂落職文龍亦不果移尋巡按江

西丁艱歸服闋還朝屢進左少卿以何超拜禮部左
侍郎兼東閣太學士時同命者五人翰林惟方逢年
餘皆外僚而復粹由少卿尤異數也 帝欲閣臣通
知六部事故每部簡一人首輔劉宇亮掌吏部程國
祥掌戶部逢年掌禮部楊嗣昌掌兵部蔡國用掌工
部刑部無人復粹以大理代之累加少保進吏部尚
書十三年六月薛國觀罷復粹為首輔御史魏景琦
劾復粹及張四知學淺才疎伴食中書遺譏海內
帝以妄詆下吏明年加少傅兼太子太傅賊陷洛陽
復粹引罪乞免不許 帝嘗御乾清宮語及福王被

害仍泣下復粹曰此天數也 帝曰雖緣氣數亦賴人事挽回復粹等不能對 帝疾愈大赦天下命復粹錄囚自傳宗龍以下多所減免是年正月致仕國變後卒于家

易應昌

易應昌字瑞芝臨川人萬曆癸丑進士 嘉宗時由御史累遷大理少卿為逆黨所劾削其籍崇禎二年起左僉都御史進左副都御史時史塗高棲素愜邪為清議所擯吏部尚書王永光力薦之應昌與曹于汴力持之為所重是年冬清人薄都城獄囚劉仲金

等百七十人破械出欲踰城 帝震怒下刑部尚書
喬允升左侍郎胡世賞於獄欲寘之死應昌言允升
等罪不至死 帝并逮應昌遣戍邊衛 弘光帝立
召故官遷工部右侍郎國變後卒于家

鄭三俊

鄭三俊字用章池州建德人萬曆戊戌進士授元氏
知縣天啓初進光祿少卿改太常論魏忠賢亂政矯
矯以風節聞屢遷左副都御史及忠賢逐楊漣等三
俊遂引疾去已而忠賢黨張訥劾三俊與鄒元標馮
從吾孫慎行余懋衡合汙同流褫職閒住崇禎元年

起南京戶部尚書兼掌吏部事南京諸僚多忠賢遭
黨是年京察澄汰一空明年春以建儲入賀多所建
白或從或不從進刑部尚書加太子少保初戶部尚
書侯恂坐擊賊逗留下獄 帝欲重譴之三俊屢讞
上不稱旨譏者謂恂與三俊皆東林黨曲法縱舍工
部錢局有盜穴其垣命按主者罪三俊又擬輕典

帝大怒褫其官下吏應天府丞徐石麟講官黃景昉
黃道周各疏救之 帝不納切責三俊欺罔以無職
私令出獄侯訊宣大總督盧象昇大學士孔貞運復
救之乃許配贖十五年正月召復故官會吏部尚書

李日宣得罪即命三俊代之 帝下詔求賢三俊舉
李邦華劉宗周自代且薦道周史可法馮元颺陳士
奇四人三俊為人清嚴端亮正色立朝惟引吳昌時
為屬微為詒病時文選缺即中昌時以儀制郎中欲
得之首輔周延儒力薦 帝且以囑三俊他輔臣及
言官亦多稱其賢三俊遂請調補 帝特召問三俊
三俊復徇衆意以對 帝即命昌時以他部調選郎
前未有也 帝惡言官不職欲多汰之嘗以語三俊
三俊與昌時謀出給事三人御史六人於外給事御
史大譁謂昌時弄權紊制力攻之并詆三俊三俊乞

休致詔許棄傳歸國變後家居十餘年乃卒

金光辰

金光辰字居垣全椒人崇禎戊辰進士授行人擢御史巡視西城內使周二殺人磔司禮監捕之其人方直御前叩頭乞哀帝曰此國法朕不得私卒抵罪出按河南條奏至三百餘章彈劾不避權勢九年還朝京師戒嚴光辰分守東直門劾兵部尚書張鳳翼三不可解一大可憂帝以鳳翼方在行間寢其奏時帝以邊警方急顧諸臣類萎腰不任仍令遣中官盧維寧等總監通津臨德等諸路兵馬糧餉而頒

諱言之光辰疏言不可 帝怒召對平臺風雨驟至
侍臣立雨中至以袖障霤 帝召光辰責之對曰皇
上以文武諸臣無實心任事委任內臣臣愚以為任
內臣諸臣益不任事 帝大怒將重譴光辰而迅雷
直震御座風雨大作光辰曰言臣往在河南見 皇
上撤內臣而喜語未終 帝沉吟即云汝言毋復爾
然意亦稍解人謂光辰有天幸云時張元佐以兵部
右侍郎出守昌平而同時內臣提督天壽山者聞命
即往 帝顧閣臣曰即往而侍臣三日未出朕用內
臣過耶翼日詔光辰鑄三級調外久之由浙江按察

司照磨召為大理寺正進太僕丞十三年五月復偕
諸大臣召對平臺咨以禦邊救荒安民之策光辰班
最後時已夜深光辰獨對燭影中娓娓數百言帝
為聳然明日諭諸臣各繕疏以進尋移尚寶丞陳羅
練總授私派僉報數事報聞歷光祿少卿佐通政
十五年五月復偕諸臣召對德政殿備陳賊形帝
悅擢左僉都御史無何以救劉宗周仍�鎮三級調外
明年丁父憂弘光時起故官未赴國變居家二十餘
年卒

李長庚

李長庚字酉卿麻城人萬曆甲午進士授戶部主事
歷江西布政使所在勵清操入為順天府尹改右部
都御史巡撫山東盡心荒政討禽武定諸州盜四十
六年遼東用兵議行登萊海運長庚言自登州望鐵
山西北口至羊頭凹歷中島長行島抵北信口又歷
兔兒島至深井達蓋州剥運一百二十里抵娘娘宮
陸行至廣靈一百八十里至遼陽一百六十里每石
費一金部議以為便遂行明年二月特詔戶部侍郎
一人兼右僉都御史出督遼餉駐天津即以命長庚
長庚奏行造淮船通津路議牛車酌海道截幫運議

錢法設按臣聞事例嚴海防九事時議歲運米百八十萬石豆九十萬石草二千一百六十萬束銀三百二十四萬兩長庚請留金花行改折借稅課不聽時諸事初始百務全集長庚悉辨治天啓二年遷南京刑部尚書就移戶部明年召拜戶部尚書未任以憂歸崇禎元年起工部尚書復以憂去久之代閔洪學為吏部尚書六年正月修撰陳于泰疏陳時弊宣府監視中官王坤力詆之侵及首輔周延儒長庚率同列上言陛下博覽古今寧有內臣參論輔臣者自今以往廷臣拱手屏息豈盛朝所宜有哉臣等溺職請

立賜譴黜終不忍令內臣輕議朝政長庚不植黨援
與溫體仁不合嘗舉郎中王茂學為真定知府帝
不許復推為順德知府帝怒責以欺蒙令回奏
上斥為民家居十年國變久之卒

方士亮

方士亮歙縣人崇禎辛未進士歷嘉興福州推官擢
兵科給事中與同僚朱徽倪仁禎等謁大學士謝陞
於朝房陞言今上大用聰明致天盡壞又曰諸君不
必言款事皇上祈籤奉先殿意已決諸人退相謂陞
誹謗君父洩禁中語士亮叢之疏數十上帝大怒

削陞籍已而士亮連劾諸督撫張福臻徐世蔭朱大
典葉廷貴及兵部侍郎呂大器甘肅總兵馬燠事多
施行又請召舊諫臣姚思孝何楷李化龍張作楫張
焜芳李模詹爾選李石黨林蘭友成勇傅元初恤已
死者吳執御魏呈潤傅朝佑吳彥芳王績燦葛樞
帝頗採納周延儒出督師請士亮贊畫軍務延儒獲
譴士亮亦削職下獄久之釋歸弘光時復官國變後
卒

詹爾選

詹爾選字思吉撫安人崇禎辛未進士授太學博士

八年擢御史時詔廷臣舉守令多而難擇莫若精擇
郡守郡守賢縣令無不賢因請起用侍郎陳子壯推
官湯開遠報聞明年疏劾陳啓新宜召九卿科道覲
面敷陳罄其底蘊果有他長然後授官吏部尚書謝
陞大學士溫體仁不加駁正尸素可愧 帝怒未幾
大學士錢士升以爭武生李璡事忤旨引罪乞休去
甬選上疏曰璡以非法導主上其端一開大亂將至
輔臣憂心如焚忽奉改擬之命遂甬執奏竟鬱鬱以
去恐後之大臣無復敢言者所曰與皇上言者惟苛
細刻薄不識大體之徒似忠似直如狂如癡售則挺

身招搖敗則潛形遁竄駭心志而燭耳目毀成法而
釀隱憂疏入 帝震怒召見武英殿語之左右皆震
懾而甬選詞氣不撓 帝命錦衣提下甬選叩頭曰
臣死不足惜皇上幸聽臣事尚可為即不聽亦可留
為他日思 帝愈怒罪且不測諸大臣力救乃繫於
直廬明日下都察院議罪議止停俸 帝以語涉誇
詡并罪視草御史張三謨令史部同議請錫五級以
雜職用復不許乃削籍歸自後言者屢薦皆不聽十
五年給事中沈迅左懋第相繼薦有詔召還未及赴
而都城陷 弘光帝立首起故官未上羣小用事憚

甫選覈直令補外僚遂不出國變後十二年而終

方孔炤

方孔炤字潛夫桐城人萬曆丙辰進士天啓初為職方員外郎忤崔呈秀削籍崇禎元年起故官以憂歸定桐城民變十一年以右僉都御史巡撫湖廣擊賊李萬慶馬光玉羅汝才於承天八戰皆捷時熊文燦納張獻忠降處之穀城孔炤條上八議言主撫之誤不聽卽陰厲士馬備戰守已而賊果叛如孔炤言賊故畏孔炤不敢東文燦乃檄孔炤防荊門當陽孔炤上請專斷德黃守承天護獻陵會楊嗣昌代文燦令

孔炤仍駐當陽時惠王常潤言孔炤過獻忠陵寢得
無虞請增秩久任章下部未奏而部將楊世恩羅安
邦以川浣兵勦行山寇兩將深入至香油坪而敗嗣
昌旣惡孔炤撫議異已也又忤其言中遂以事劾孔
炤逮下詔獄予以智伏關訟父寃滕行沙堰者兩年
帝為心動下議孔炤護陵寢功多減死成紹興久之
復官以右僉都御史屯田山東河北馳至濟南復命
兼理軍務督大名廣平二監司禦賊命甫下而京師
陷孔炤南走馬阮亂政歸隱十餘年而終

張慎言

假似暇

張慎言字金銘陽城人祖昇河南叅政慎言舉萬曆
庚戌進士恭昌時擢御史踰月 熹宗即位慎言預
論三案無何賈繼春以請安選侍被譴慎言抗疏救
之 帝怒奪俸二年天啓初出督畿輔屯田言天津
靜海興濟間沃野萬頃可墾為田因列上官種佃種
民種軍種屯種五法又言廣寧失守遼人轉徙入關
者不下百萬宜招集以墾詔從之嘗疏薦趙南星劾
馮銓銓大恨五年三月慎言假歸銓屬曹欽程誣劾
慎言盜曹縣庫銀三千遂下按撫徵贓編戍肅州崇
禎元年起故官會當京察請光治墻孽其他始付考

攻報可旋擢太僕少卿歷太常卿刑部右侍郎讞耿
如杞獄不稱旨并尚書韓繼思下吏尋落職歸久之
召為工部右侍郎時國用不支廷議開採鼓鑄屯田
鹽法諸事慎言屢疏陳奏悉根本計太學士楊嗣昌
議政府州縣佐為練備練總慎言不可其後卒不能
行由左侍郎遷南京就改吏部掌右都御史事十七
年三月京師陷五月 弘光帝即位南京命慎言理
部事上中興十議曰節鎮曰親藩曰閹屯曰叛逆曰
偽命曰功賞曰起廢曰褒卹曰懲貪曰漕稅皆嘉納
時大起廢籍慎言薦吳姓鄭三俊勲臣劉孔昭趙之

龍等群詬於廷指慎言及姓為奸邪叱咤徹殿陛又
劾慎言當迎立時阻難懷二心乞議慎言欺蔽罪慎
言疏辨因乞休得請加太子太保廕一子時山西盡
陷於賊慎言無家可歸流寓蕪湖宣城間國亡後疽
發於背戒勿藥卒年六十九慎言少喪二親鞠於祖
母及為御史計聞乞歸執喪三年子履旋舉崇禎十
五年鄉試賊陷陽城投崖死事聞贈御史

解學龍

解學龍字石帆揚州興化人舉萬曆癸丑進士歷金
華東昌二府推官天啓二年擢刑科給事中遼東難

民多渡海聚登州招練副使劉國縉發帑金十萬賑之多所乾沒學龍廢之國縉遂獲譴王紀忤魏忠賢削籍學龍言寘紀廊廟必能表正百寮裁決大務遂失忠賢意不報又劾川貴舊總督張我續貪淫新總督楊述中縮朒帝不之罪學龍通曉政務時遼餉濫冗國用缺乏乃請修屯政而溝涂之界各樹所宜木小可獲薪果之饒大可得抗拒之利帝亟下所司而議竟中格稍進右給事中五年九月御史智鉉劾學龍及編修侯恪黨東林遂削籍崇禎元年起歷戶科都給事中劾薊撫王應陽剋餉激變又足餉十

六事 帝皆採納遷太常少卿太僕卿五年改右僉
都御史巡撫江西疏言臣所部州縣七十八而坐逋
賦降罰者至九十人由數歲之逋責於一歲數人之
逋責於一人故終無及額之日請別新舊酌多寡立
帶徵之法可之時四方盜賊蠭起江西獨無重兵學
龍以為言詔增置千人討平都昌萍鄉諸盜合閩兵
擊滅封山妖賊張普薇等十二年冬擢南京兵部右
侍郎明年春將解任例薦屬吏并及遷謫官黃道周
帝怒徵下獄責其黨庇行私廷杖八十削其籍移入
詔獄竟坐遣戌十五年秋道周召還半道請釋學龍

不聽十七年正月 弘光帝立於南京召拜兵部左侍郎十月擢刑部尚書時方治從賊之獄倣唐制六等定罪學龍議定以十二月上之是時馬士英阮大鍼必欲殺周鍾學龍謀之次輔王鐸得緩其死士英大怒使其黨保國公朱國弼御史張孫振等詆其曲庇行私遂削籍學龍既歸南都亦陷久之卒於家

毛士龍

毛士龍字伯高宜興人萬曆癸丑進士授杭州推官熹宗卽位擢刑科給事中首劾姚宗文閱親筆張時揚連去國士龍抗疏請留天啓改元正月疏論三案

力言孫慎行陸夢龍陸大受何士晉馬德澧王之案
楊漣等有切社稷而魏浚輩醜正害直之罪帝是之
李選侍之移官也內豎劉朝田詔劉進忠等五人以
盜貲下刑部獄尚書黃克纘庇之數稱其寃帝不
從論死是年五月王安罷魏忠賢用事詔等進重賂
令其下李文盛等訟寃克纘復助之立釋此五宦士
龍憤甚劾克纘阿旨亂法不可為大臣且數朝等罪
甚悉由是忠賢及諸閹衛士龍次骨忠賢誣天津廢
將陳天爵交通李永芳逮其一家五十餘人下詔獄
士龍卽劾錦衣駱思恭及誣告者罪忠賢憾張后

抑已誣為死囚孫二所出布散流言士龍請究治妖
言奸黨并主使逆徒忠賢益憾之至九月士龍劾順
天府丞邵輔忠奸貪輔忠大懼朝等因誘以起擢令
攻士龍輔忠遂許士龍官杭州時盜庫納效忠賢從
中下其疏尚書周嘉謨等言西人所許風聞請寬貸
忠賢不從削士龍籍輔忠落職閒住忠賢恨士龍不
已四年冬令其私人張訥劾之再命削籍明年三月
入汪文言獄詞謂納李三才賄三千謀起南京吏部
下撫按提訊追贓遣戍平陽衛已而輔忠驟遷兵部
侍郎六年十二月御史劉徽復撫輔忠前奏劾士龍

下法司逮治士龍知忠賢必欲殺已夜中踰墻遁其
妾不知也謂有司殺之被髮號泣於道有司無如之
何士龍乃潛至家載妻子浮太湖以免 烈皇帝嗣
位忠賢伏誅朝士為士龍稱冤詔盡赦其罪士龍始
詣闕謝恩且陳被陷之故 帝憐之命復官致仕竟
不召用至崇禎十四年里人周迥儒再相始起漕儲
副使督蘓松諸郡糧明年冬入為太僕少卿又明年
春擢左僉都御史時左都御史李邦華副都御史惠
世揚皆未至士龍獨掌院事十月謝病歸國變隱居
以卒

高斗樞

高斗樞字象先鄆人崇禎戊辰進士授刑部主事坐議巡撫耿如杞獄不中旨與同列四人下詔獄尋復官進貢外郎五年遷荊州知府久之擢長沙兵備副使楚郡之在湖北者盡罹賊裕勢且及湖南臨藍湖湘間土寇蠭起長沙止老弱衛卒五百又遣二百戍攸縣城庫雉堞盡圯斗樞至建飛樓四十大修守具臨藍賊艘二百餘由衡湘抵城下相距十餘日乃解去轉攻袁州遣都司陳上才躡其後却之尋擊殺亂賊劉高峰等巡撫陳睿謨大征臨藍寇斗樞當南面

大小十餘戰賊盡平詔資銀幣十四年六月進按察使移守鄖陽鄖被寇且十載屬邑有六居民不滿四千荆榛數百里撫治王永祚以襄陽急移師鎮之斗樞至甫六日張獻忠自陝引而東斗樞遣游擊王光恩及第光興分扼之戰屢捷賊不敢犯光恩者均州降渠小秦王也十五年冬李自成陷襄陽均州攻鄖陽四日而去明年春復來攻十餘日不克乃退屯楊溪五月斗樞召遊擊劉調元入城旬日間殺賊三千餘自成將來攻卒不克乃令光恩復均州調元下光化躬率將士復穀城將襲襄陽聞孫傳廷敗旋師均

州復為賊有十七年正月自成遣將路應標等以三萬人攻鄭斗樞遣人入均州燒其蓄積賊乏食而退當是時湖南北十四郡皆陷十五年冬撫治王永祚被逮連命李乾德郭景昌代之路絕不能至中朝謂鄭已陷不復設撫治十六年夏斗樞上請兵䟽始知鄭城尚存衆議即任斗樞而陳演與之有隙乃擢徐啓元右僉都御史任之加斗樞太僕少卿路阻不能達是年二月朝議設漢中巡撫兼督川北軍務擢斗樞右副都御史以往三月斗樞始聞太僕之命卽以軍事付啓元七月而聞北都變并及漢中之命地已

失不可住 弘光帝立移斗樞巡撫湖廣代何騰蛟
復以道路不通改用王驥斗樞皆不聞也國變後數
年卒

熊明遇

熊明遇字良孺進賢人萬曆辛丑進士知長興縣四
十三年擢兵科給事中旋掌科事上疏極陳時弊得
失 帝不省忤詩教等以明遇與東林通出為福建
僉事遷寧夏叅議天啓元年以尚寶少卿進太僕少
卿尋擢南京右僉都御史提督操江建營伏虎山選
練蒼頭軍以資守禦齊庶人睿熾者自負異表謀不

軌明遇捕獲之寘其黨十餘人於法魏忠賢之黨謀
盡逐東林以明遇嘗救御史游士任五年三月給事
中薛國觀劾明遇黨庇徇私忠賢即矯旨革職未幾
坐汪文言獄追贓千二百金謫戍貴州平溪衛烈
皇帝即位釋還崇禎元年起兵部右侍郎明年進左
部遷南京刑部尚書四年召拜兵部尚書疏陳四司
宿弊悉見採納楊鶴被逮明遇言鶴以撫賊無功就
逮恐諸臣因鶴故盡戮無辜絕脅從生路宜急敕新
督洪承疇諭賊黨殺賊自效帝亦納之五年正月
山東叛將李九成等陷登州明遇信巡撫余大成言

主撫議萊城幾陷乃調關外軍討定之當是時清人
入宣府巡撫沈榮與中官王坤等遣使議和饋金帛
牢醴清人乃旋事聞帝惡榮專擅召對明遇等於
平臺明遇曲為榮解帝不悅逮榮下吏於是給事
中孫三杰力詆明遇榮交關悞國同官陳贊化呂黃
鍾御史趙繼鼎連劾之明遇再疏乞罷帝責以疎
庸僨事命解任候勘尋以故官致仕久之起南京兵
部尚書改工部引疾歸國薨後卒

丁啓睿

丁啓睿永城人萬曆己未進士崇禎初歷山東右叅

政坐事謫陝西副使九年寧夏兵變殺巡撫王輯啓
睿捕斬首惡六人軍中大定再遷右布政使分守關
南從巡撫孫傳庭討賊十一年冬就拜右僉都御史
代傳庭巡撫陝西十三年用督師楊嗣昌薦擢兵部
右侍郎代鄭崇儉總督陝西三邊軍務討賊明年嗣
昌死加啓睿兵部尚書改稱督師代嗣昌賜劍敕印
啓睿實庸才謹慎無過及督師專制莫知為計旣已
受命出潼關將由承天赴嗣昌軍於荊州湖廣巡按
汪承詔言大寇在河南荆襄幸息警言無煩大軍盡匿
漢津船啓睿至五日不得渡折而向鄧州州人閉門

詎過內鄉長吏閉之糴軍行荒山間割馬羸燎以野草士不得飽是時李自成已陷洛陽圍開封有衆七十萬啓睿憚不敢援聞張獻忠在光山固始間少弱乃曰上命我勦豫賊此亦豫賊也遂檄左良玉破之於麻城開封日告急則曰我方有事於獻忠不赴聞傳宗龍將入關督養師啓睿乃以自成委宗龍九月宗龍敗歿於項城啓睿又不能救十二月自成再圍開封河南巡撫高名衡告急啓睿督兵赴之避賊入城賊乘之幾陷部下又大淫掠會總兵陳永福射中自成左目明年正月賊解圍去已而復攻六月

帝釋侯恂於獄命督援勦諸軍救未至開封圍益急
帝數詔切責啓睿啓睿不得已乃會良玉虎大威楊
德政方國安之軍偕保定總督楊文岳以七月會於
朱仙鎮與賊壘相望啓睿欲戰諸將皆懼良玉歸營
即先走師大潰啓睿文岳聯騎奔汝寧賊渡河逐之
追奔四百里啓睿敕書印劔俱失事聞詔褫職候代
九月賊決馬家口河灌開封開封遂陷乃徵下吏久
之釋歸自嗣昌死二年而啓睿敗啓睿敗又二年而
明亡矣弘光時啓睿因馬士英督河南勸農勦寇諸
務尋以禽斬歸德僞官拜兵部尚書加太子太保官

其一子事敗脫身旋里久之卒

張鏡心

張鏡心字孝仲號湛虛晚號晦臣先世襄垣人天啓二年進士知蕭縣調定遠再調泰興以治行高等擢禮科給事中進太常少卿遷大理調南光祿寺卿擢兵部右侍郎兼都察院右部都御史總督兩廣軍務八為兵部右侍郎會薊遼總督張福臻未至命鏡心代之加兵部尚書俄福臻至議鏡心別用旋丁母憂歸弘光初詹事黃道周薦鏡心老臣宜大用時馬士英阮大鍼用事道不能安其位鏡心避去清順治

中大臣推薦章數上會丁父憂因謝守制遂終不起
晚年閉戶註易與孫竒逢往復商確逍遙泉石自稱
雲隱居士順治十三年卒年六十七

鄭同元

鄭同元字黃中潮州潮陽人崇禎進士為六合知縣
以註誤戍台州放還明亡遁跡梧桂間值容縣之亂
與長子振芳俱死

郭之竒

郭之竒字仲常潮州揭陽人崇禎進士改庶吉士歷
官詹事府詹事後遁跡南交山中殉節死

魯臬

魯臬字季臬號常菴肅簡公宗道之裔建炎間南渡
遂家會稽臬登崇禎癸未進士歷官庶吉士季自成
陷都城魏學濂謂臬曰吾輩居此圍城之中死固分
也然死有三節先帝上昇之日一也季賊登極之
日二也先帝發喪之日三也已而大行發引學濂
果死而臬得先期自拔開戶不出以終

陸符

陸符字文虎世為寧波望族年四歲大父相龍引置
膝上口授以楊連草疏傳奇符對客輒抗聲高唱意

若溪慨慕之者及長為學使周斗恒所知拔置第一
授徒衆昌符風貌甚偉聲咳如洪鍾一時士大夫聽
其議論皆以為陳亮辛棄疾復出崇禎辛巳復保舉
之制副使許平遠以符應詔詣京入國學上幸學
符進退從容上過而目之中壬子順天鄉試賜進
士出身授行人司行人奉使閩中不果行請查衛所
錢糧千戶馮如斗乾沒獨多恐發覺刺符於廳事不
殊歸而養病結雪瓢于白巖山丙戌十月卒年五十

余正元

余正元字中山睢州人崇禎癸未進士歷山東清河

縣令僅七日遭流寇變懷印去居州東北郊開鶴林社教授後學足跡不八城市自號雪崖樵者善草書山水自寫腦臆雖不入格而意趣自雅

杜文煥

杜文煥字毅武崑山人父桐萬曆間名將季父松以勇力間死於四路之役文煥由父廕叙歷延綏游擊將軍累進叅將副總兵四十三年擢署都督僉事寧夏總兵官延綏被寇文煥赴救大破之明年遂代官秉忠鎮延綏屢敗寇安邊保寧長樂斬首三百有奇西路火落赤卜言太懼相率降沙計殺盜為文煥所

敗遂納款既而復與吉能明愛合駐高家柏林邊要
封王補賞十事文燬襲其營斬首百五十人落赤詣
部落攢刀立誓獻罰九九九者部落中罰駝馬牛
羊數也已沙計又伏兵沙溝誘殺都指揮王國安糾
猛克什力犯雙山堡復犯波羅文燬擊破之追奔二
十餘里當是時套寇踰十萬然其衆分四十二枝多
者二三千少及千騎屢不得志沙計乃與吉能明愛
猛克什力相繼納款延綏遂少事文燬尋以疾歸天
啓元年再鎮延綏詔文燬援遼文燬乃遣兵出河套
搗巢以致寇諸部大恨深入固原慶陽圍延安揚言

必縛文煥掠十餘日始去命解職候勘奢崇明圍成
都總督張我續請令文煥赴救至則圍已解偕諸軍
復重慶崇明遁永寧文煥頓不進尋擢總理盡統川
貴湖廣軍度不能制賊謝病去坐延綏失事罪戍邊
七年起鎮寧夏寧錦告警詔文煥馳援令分鎮寧遠
進右都督調守關門尋引疾去崇禎元年錄重慶功
廕指揮僉事三年陝西羣盜起五鎮總兵並以勤王
行總督楊鶴請令文煥署延鎮事兼督固原軍數敗
賊賊亦日益多會山西總兵五國樞擊王嘉允於河
曲大敗賊八據其城部議設一大將兼統山陝軍協

討乃令文煥為提督偕曹文詔馳至河曲絕饑道以
困之神一元陷寧塞文煥家破遂留又詔令文煥西
還四年御史吳甦劾其殺延川難民冒功給事中張
承詔復劾之下獄褫職十五年用總督楊文岳薦以
故官討賊無功復謝病歸子弘域天啓初歷延綏副
總兵七年夏文煥援遼即擢總兵官代鎮寧夏積資
至右都督崇禎中提督池河浦口二營練兵遏賊南
渡頗有功十三年移鎮浙江尋謝病去國變後文煥
父子歸原藉崑山卒

陳啓新

陳啓新山陽武舉人崇禎丙子詣闕上書請停科目
以紓虛文舉孝廉以崇實行罷行取考選以除積橫
之習蠲災傷田賦以蘇民困專拜大將以節制有司
便直行事捧疏跪正陽門三日中官取以進帝大
喜立擢吏科給事中歷兵科左給事中劉宗周詹爾
選等爭不可歛人楊光先訐其出身賤役及徇私納
賄狀帝悉不究然啓新在事所條奏率無關大計
御史王聚奎劾其溺職帝怒謫聚奎久之御史倫
之楷劾其請託受賕還鄉驕橫始詔行勘未上而啓
新遭母憂給事中姜埰因劾其不忠不孝大奸大詐

遂削啓新籍下撫按追贓擬罪啓新竟逃去不知所
之國變後為僧以卒

沈通明

沈通明字克孝淮安人明末嘗為總兵官任俠輕財
好從中原士大夫遊士大夫皆稱之數與流賊戰有
刃嘗被射洞腹通明裂甲裳裹創亟逐殺射者由是
一軍壯之先是有巡撫田仰者素習通明為人厚遇
之見明將亡遂屬其家通明而身自浮海去通明匿
仰妻子他所會清人渡淮購仰妻子急蹤跡至通明
家且并捕通明是時通明已杜門散遣所部捕者凡

十餘輩合譟圍其居通明走入寢室飲酒數斗裂帛
縛愛妾於背上馬大呼出曰若輩亦知沈將軍耶注
矢擲捕者皆逡巡引卻通明疾馳而免僦居蘓州變
姓名曰申宗耿賣卜以自活未幾愛妾死意不自聊
入靈岩山祝髮為浮屠又稱玄弇已復棄之訪故人
於鄧州每醉輒歌呼市上襍以曼聲酸楚動聽一市
皆以為狂州人彭子錢有名江淮間方罷巡撫家居
獨聞而異之偵得通明所在徒步往與之語通明默
不應已詢知為彭巡撫乃大喜子錢執其手曰君狀
貌稍異必有物色之者非我其孰為魯朱家耶引與

俱歸子錢亦豪於酒日夜與通明縱飲甚歡久之遇赦始得出

惲本初

惲本初字道生後改名向號香山武進人明經博學崇禎間舉賢良方正授中書舍人不拜工山水有畫旨四卷

焦之雅

弟之夏

焦之雅字大雅西安府三原人僉都御史源溥子源溥為李自成所害之雅與弟之夏冒死尋得父尸歸葬畢棄家隱華山之夏亦隱居終身

房廷詳

房廷詳字發公西安諸生也與焦之雅同郡父建極
崇禎末官兵部主事歸里李自成陷關中建極入都
赴難廷詳時年十五易道士服從父間關避賊走二
千里抵京圻而京都已陷乃與父歸未幾建極卒既
葬廬墓終身

鄒之麟

鄒之麟字臣虎號衣白萬曆庚戌進士授工部主事
未幾歸弘光帝立起為尚寶丞遷都憲南都破還
里自號進老又號昧菴善山水勾勒點拂縱橫恣肆

腦中殆亦有礪礪者歟

曹履泰

子元

曹履泰字大來海鹽人天啓乙丑進士子元方字介
皇崇禎癸未進士履泰初任同安知縣縛海寇李魁
奇等以功擢吏部給事中有李希揆者驟躡銓司履
泰糾之希揆啣次骨媚大閹王承祚誣履泰下詔獄
遣戍獄方急子元方走京師入獄視饘索摩創吮血
晝夜不交睫出則囚服泥首控訴公卿之門見者憐
之元方既登第旋遭甲申之變弘光初中丞祁彪佳
為履泰訟寃且薦其才可重任而元方亦謁選父子

同至南都初履恭在獄與馬士英同繫相善也士英
既當國欲致門下履恭不可乃薦元方署職冀為德
元方亦不謝上書願循分守外語侵士英士英怒授
常熟縣止何金陵破履恭變姓名間道入閩元方棄
官從之謁隆武帝於建寧拜太常少卿累升兵部
右侍郎元方為吏部文選主事是時鄭芝龍擅權與
黃道周相齟齬帝拱手而已履恭上疏言時務
報聞而已顧元方太息曰國不可為矣元方乞視師
江上甫抵浦城鄭家潰兵突至繼竄山寺中獲免履
恭趨贛州從帝中路相失土豪將執以迎清履恭

急擲身百丈岩下絕復蘇昇卧僧寺中元方踰泣求
之間關亂兵中數日始得迎還故里履泰憤甚疽發
背而死元方乃奉母挈妻子遷硤石村築東山草堂
自錚耘菴布衣蔬食杜門讀書暇則遨遊山水間足
跡不八城市者四十年卒八十二

顧朱

顧朱崇禎末舉進士第即受行人理餉兩浙國止不
歸父鬱鬱成疾亟遣伯子馳告吾日夕以望獨不相
念耶朱聞而泣下沈思終夜明日遂歸養親備至及
喪哀毀盡禮亡何朱亦遂沒朱在浙時奉命往請兵

部尚書張國維國維語曰吾受國重寄義當死子起家日淺尚可隱遯吾有某山今日之桃源也盍往居之朱默不應也

范養民

范養民崇禎十七年為東宮侍讀讀書好楚辭諸子及經史多所涉獵方李自成挾東宮二王以出也養民知其必西奔於是棄其家走關中從之乃東宮不知所之徒步入華山為道士結廬于西峯之左名曰復菴起居其中

李覃谿

李暉谿失其名官侍御史國亡隱居不出服御起處
悉從貶損蔬食布衣出不車暑不蓋以壽終

李實

李實彌如石先生崇禎癸未進士為吳縣令國亡儼
居錦帆涇側杜門著書方巾布袍終其身

朱治升

朱治升餘杭文學弘光乙酉清兵畧定杭州下薙髮
令治升即狂走竄天目山中閱月知不得脫自經於
林

周容

周容字鄮山鄞縣人明諸生少以詩見知於錢謙益
黃宗羲善書工畫嘗渡蛟門脫友人之厄幾死不悔
康熙己未有欲以博學鴻詞薦笑曰吾雖周客實商
客也遂止所著有春涵堂集

張長瀾

張長瀾長洲諸生甲申 烈皇帝凶問至長洲諸生
方會哭明倫堂直指朱一敬謁文廟衣緋鳴金呵殿
而來長瀾前數直指曰此何等時猶服此耶指堂額
示之褫其服直指悚然長瀾兵後以布衣終其身

張采

張米字受先太倉人與同里張溥友善號婁東二張
米嚴毅喜甄別可否崇禎戊辰舉進士知臨川溥亦
歸自京都相與復古學名其社曰復社四方名士爭
奔走其門聲氣通朝右所題品頗能為榮辱執政大
僚由是惡之會里人陸文聲閩人固之夔訐復社恣
橫狀曰窮究不已提學御史倪元珙巡撫張國維等
救之得解然事猶未竟刑部侍郎蔡奕琛坐黨薛國
觀繫獄告溥遥握朝柄已罪由溥因言米結黨亂政
詔責溥米回奏時溥已死米上言與溥平生相淬礪
死避網羅負義圖全誼不出此念溥日夜解經論文

失心報稱曾未一日服官懷忠入地不得泣血自明
良足哀悼當是時周迺儒柄國溥座主也其獲再相
溥有力故采䟽其事事即已明年御史劉熙祚給事
中姜埰交章言采砥行博聞所纂述經史有功聖學
帝御經筵問采小臣言官何為薦之迺儒曰好讀書
能文章言官是以惜之 帝曰亦未免偏遂不果用
弘光時起禮部主事進貢外郎乞職去已而南都失
守奸人素御采者羣擊之至死復用大錐亂刺已而
得甦避之隣邑又三年卒

沈巨儒

沈巨儒字越溪夔州萬縣人隱居山中自號西溪野人總督李國英知其夙學勸之仕不應闢草堂以詩文自娛

李光祀

李光祀者蘄人中崇禎癸未進士翌年國變杜門不出清人三徵不起因遊遠方不知所之

黃宗炎

黃宗炎字晦木一字立谿人稱曰鷗鵠先生宗義弟崇禎貢生盡江之役兄弟步迎監國事敗入四明叅侍郎馮京第軍軍覆隱於白雲莊亂定遊石門海昌

間賣畫以自給工繆篆又善製硯所著有周易象詞
尋門餘論學圖辨惑

朱朝瑛

朱朝瑛字美之杭州海寧人崇禎進士除旌德知縣
而歸兵後隱居事窮經初漳浦黃道周精易篆曆數
之學以授時曆分配三百八十四爻驗古今治亂詞
旨深粵朝瑛受業其門獨能通之編釋五經多破前
儒成說名之曰五經畧記

宋振麟

宋振麟字子正邵州淳化人事母至孝病省三年忽

夢神人指示救療方母目復明清康熙己未以博學
宏詞薦不起

趙天騏

趙天騏字平符心洲武鄉人幼稱神童崇禎末進士
甲申闖賊遣其黨來聘天騏焚冠服探深崖下衣挂
樹不得死清順治初嘗以遺佚薦不起姜壤之亂授
官不從刼其家亦不為動母卒廬墓三年種園織麻
以供父父卒遂不食死著有續高士傳等書行于世

徐開禧

徐開禧字錫餘崑山人崇禎戊辰進士官翰林為文

一本先正法程舉業家咸師尊之

項聖謨

項聖謨字孔彰，彌易菴。又彌胥山樵，秀水人。子京孫也。善畫，客有餉以酒者，越數日索其罈，已為遊兵所擊碎。聖謨遂畫一空罈，償之中作桃柳三兩枝，或斜倚或倒垂，丰姿婉約。國亡隱居，以終。所著有朗雲堂集。

樊圻

樊圻字會公，以畫名。與龔賢、高岑、鄒喆、吳宏、葉欣、胡造、謝孫等，號金陵八家。曲阜孔缺贈詩曰：叉頭挑出。

古雲烟混入時人乞畫錢內府收藏君總在標識半
是啓禎年觀此可想見其人也

卜舜年

卜舜年字孟碩吳江人工畫少見賞於陳繼儒董其
昌亂後佯狂卒臨歿之歲人有乞書畫者但題泥無
身云舜年家盛澤鎮盛澤

文明

文明文默族人也崇禎庚辰廷試貢生例得博學不
赴選人以清順治五年卒子栢孫揆並以畫名

張風

張風字大風上元人故諸生亂後棄去家極貧居僅容膝妻亡不再娶善畫山水花草無師承以己意為之頗有自得之樂畫尾署真香佛空四海或稱昇州道士嘗遊燕趙間公卿爭迎致之風揮洒以應有中貴子招飲欲館之風起立瞪視不荅酒罷引去後歸金陵所著有雙鏡庵詩上藥亭詩餘楞嚴綱領一門反切其反切法甚簡只用音和一門為平生最得意之作

蕭從雲

蕭從雲字尺木号无悶道人當塗人明經不仕善山

水不傳宗法自成一家筆亦清快與孫逸齊名兼長
人物嘗於采石太白樓下四壁畫五嶽圖漫堂宋犖
為長歌鐫諸石平生所畫太平景雍騷圖好事者鏤
板以傳著書等身藏於家

宋珏

宋珏

亦作

字比玉莆田人故國子監生善畫其寫松

樹尤秀王士禎詩話亦嘆其小詩工絕

陳應麟

陳應麟字璧山江陵人父死明季難應麟了然終身
賣畫以給專工蘆鴻遂成絕藝

趙旬

趙旬字禹切會稽人家極貧學畫以養親執絕工時
稱趙孝子及長遊戴山劉氏之門丙戌後立高節隱
於緇賣畫以活世所稱壁林高士畫者也晚年講學
甬山生徒甚盛

查士標

查士標字二瞻号梅壑散人海陽諸生棄舉子業專
事畫畫家故饒裕多鼎彝及宋元真蹟遂精鑑別年
八十四卒於揚州士標性疎懶嗜卧日晡而起畏接
賓客盖有託而逃者有王額駙者貴甚擁高貲嘗三

顧士標終不答止何王敗人服其先見平生無疾言
危論見後輩書畫必獎譽之故名高而人不忌與同
里孫逸汪之端等稱四大家

黃家舒

黃家舒字漢臣無錫人以文章名與顧景同里友善
國止棄諸生服以終

蕭顯

蕭顯字中素一字芷江南松江人能詩國變隱雲間
劉棺為業嘗持斧豪吟後有物色之者偕王介古遜
入東海不知所終

張致中

張致中字性符淮安山陽人隱居以終有看尹文集

朱明德

朱明德吳人嘗得程克勤宋遺民錄而廣之得四百餘人顧炎武序之曰莊生有言越之流人去國期年見似人者而喜余嘗遊覽山之東西河之南北二十餘年其人蓋以不似及問之大江以南昔時所稱魁梧丈夫者亦且改形搜骨寧為不似之人而朱君乃為此書以存人類於天下若朱君者將不得為遺民矣乎

王璣

王璣杭州府錢塘縣學生貢王氏本為商而通經義
忠用之天下者自璣始及父沒而家益落遂走京師
歷薊抵寧遠觀邊鎮大勢每以大計當事者不用轉
客東萊聞京師之變哭烈皇帝于萊山之陽馳至
南都公卿又無下士者遂僦居於吳集宋遺民事著
信書一編

常延齡

常延齡字蒼谷江寧人開平王遇春之裔懷遠侯元
振曾孫也少孤事母至孝崇禎十六年全楚淪陷延

齡請統京兵赴九江協守又言江都有地名常家沙
族丁數千皆其始祖遠裔請鼓以忠義練為親兵
帝嘉之不果行南都諸勲戚多恣睢自肆獨延齡以
守職稱國亡即棄世爵奉母遁居上元之熟湖山中
躬耕自食未嘗入市當事者累招不出以麻衣葛巾
終老

龍在田

龍在田石屏州土官舍人天啓二年雲南賊安效良
張世臣等為亂在田與阿迷普名聲武定吾必奎等
征討數有功得為土守備新平賊剽石屏安效良攻

霑益在田俱破走之巡撫閔洪學上其功擢

缺營都

司崇禎二年與必奎復烏撒八年流賊犯鳳陽詔
徵雲南土兵在田率所部應詔擊賊湖廣河南有功
擢副總兵總理盧象昇檄討襄陽賊至則象昇已奉
詔勤王命屬熊文燦十年三月擊禽大盜三海十一
年九月大破賀一龍李萬慶於雙溝進都督同知明
年三月大破賊固始斬首三千五百有奇張獻忠之
叛也文燦命在田駐穀城遏賊東突諸將多忌在田
及文燦被逮在田亦罷歸還至貴州擊平叛賊安隴
壁十五年夏中原盜益熾在田上疏曰臣以石屏世

弁因流氛震陵奮激國難捐貲募精卒九千五百戰
象四戰馬二千八楚豫破賊賊不敢窺江北陵寢滇
兵有力焉五載奏捷二十有八忌口中阻逼臣病歸
自臣之罷親藩辱而名城屢陷臣妄謂討寇必須南
兵蓋諸將所統多烏合遇寇即逃之餉即譟滇兵萬
里長驅家人父子同志非若他人易潰也且一歲中
秋冬氣涼賊得馳騁春夏即入山避暑養銳而出故
其氣益盛夫平原戰既不勝山蹊又莫敢櫻徒致師
老財殫滇兵輕走遠跳善搜山臣願整萬衆力掃秦
楚豫皖諸寇不滅不止望速給行糧沿途接濟臣誓

捐軀報國言而不效甘伏斧鉞 帝壯之下兵部議
寢不行踰二載乙酉八月吾必奎叛黔國公沐天波
檄在田及寧州上知州祿永命協擊禽之未幾沙定
洲作亂據雲南府在田不敢擊明年定洲攻在田不
下移攻寧州尋陷嵎峨在田走大理又明年孫可望
等至貴州在田說令攻定州迄破滅在田歸卒於家

譚先

譚先字賓綸貴州安順府安樂縣人生而孝友好讀
書母劉安人早歿泣血三年至於骨立伯兄光美由
舉人任戶部郎中流寇犯黔光美死之先冒險入賊

境負其骸以歸嘗求友四方復社諸賢皆與之善中
崇禎壬午鄉試第一官泗州溱州知州時戎馬蹂躪
中原國隨以變先知事不可為棄官歸里家甚貧然
遇人患難輒苦無不周卹多貯書籍訓誘子弟寒暑
不少輟安平瘠縣當往來之衝先籌畫利弊勸有司
課耕食訟民氣少蘇刊縣志以備文獻修學官以安
師徒年八十餘乃終

魏菁

魏菁字明之先世官江西南昌因家焉後徙建昌府
廣昌縣菁年二十為縣學生崇禎丙子貢入太學授

中書舍人值世亂棄官歸水斗砦之離株溪糾其族
避賊山谷中會有強人在砦通賊為亂讐殺族中數
輩守將杜承芳檄圍砦而賊逸承芳將屠砦獨素善
菁菁徒跣謁承芳以緩之復破產得千金為承芳壽
以三百金賂其左右兵入不戮一人菁家饒於產自
少施惠至老且窮不能自贍國亡不復仕獨喜飲酒
至醉不亂時時賦詩以寓意屏蹟株溪不入城府晚
更遭亂大師爭欲致菁菁終不出于方泰請寫像菁
慨然曰置我邱壑間科頭箕倨不知漢晉可也生於
萬曆丁巳卒於清康熙庚午年七十四

周有鳳

周有鳳字竹友其先居杞縣之瓦屋營有鳳夙為制
業銳於進取值中州寇亂遂去之業書西琴奕至臺
天馳射擊刺之技靡不習避地亳鳳間大帥某聘為
幕僚值清人之亂乃歸以布衣終年七十四有鳳美
須髯風度脩潔言笑不苟當其議論古今興亡理亂
政治人才之得失消長與當世所關切者娓娓不休
慷慨正襟憂憤交集明季嘗條議時事受知於督師
史可法可法欲用之有鳳知事不可為謝去其後復
欲以白衣上言言甚危切其友力止之而止時康熙

八年也

董升

董升字盡人世居海寧為望族高祖具婚於嘉善因家焉升幼有大志常慕陳亮為人為諸生意殊不屑也明季天下多故輒曰張髯奮談天下事久不少懈有不知者在坐竊問人曰董君受何人不平事而顧為作色語乃爾邪坐客無不大笑升才敏為文頃刻數千言所交皆四方士家極貧郡邑長吏重其所贈有至千金者輒散之昆季朋友以五經分授邑人多有成業者醉後常大言曰人恨無死所耳此外更

何慮聞者皆以為狂弘光中棄家浮海去不知所之
或曰死或曰為浮屠云

顧大綱

顧大綱字君常居葑溪東里自号東里子善射能挽
強工書法幼有大志有古豪士風居恒拊髀曰生不
能以七尺驅馳驟中原徒於牖下字章句何也大綱
既不復求知於時與博徒酒人耕釣緇素優游以老
卒年六十五

劉應期

劉應期字瑞當又字遂當慈谿人崇禎間吳中倡為

復杜以網羅天下之士高才宿學多出其間應期於
諸子中顧益峻格諸子皆引為畏友未幾而南北橫
潰應期乃謝所嘗往來者求法書名函古咒竒花以
自遣悴然不知有生之樂劉宗周殉難親戚不敢過
其門應期見其夫人謂曰今日事夫人惟有自盡吾
待命於此及夫人死始出

樊夢斗

樊夢斗字北一号文成崇禎壬午鄉貢生嘗上書闕
下請為國家効力封疆報可無何以內難歸已而明
亡俯仰唏噓既力不能有為遂絕意仕進携家人入

桐栢山中以終

李先生

李先生失其名撫寧人年九十餘獨不薙髮常遊深山中罕與人接

謝秀才

謝秀才失其名國止聚其徒出沒於湖南將以有為丙戌清人擊擒之欲諭降秀才罵不絕斷其手抉其目而射殺之並其家七口同戮

康世爵

康世爵者荊州人其曾祖祐戰死蒙古地祖霖從楊

鎬東征倭死於平山父國叅青州虞候坐事謫戍遼
陽世爵年十八隨父至遼陽牛毛嶺之敗父又敗死
世爵在軍中獨脫還走遼陽及遼陽城陷世爵逃之
鳳凰城與廣寧人劉光漢糾合遼陽散卒三百人拒
城守無何光漢戰死世爵轉側山谷摘草木烹以充
飢不粒食十三日不死於是阻虜不得歸東走渡鴨
綠江遊朝鮮之関西諸郡縣數月以近虜懼難去之
踰嶺客咸興端川間八九年轉至北慶源鍾城世爵
長僅六尺便捷善拳搏粗解卜筮侗儻有大節既客
遊久見清人已有天下事無可為者與農父雜作力

田蓄牧然人不見有戚戚色時過所與識者輒索飲
至醉乃去常曰吾於人無所求然惟酒能忘憂吾每
從而覓之而已為州邑者憐世爵霸客爭招延善遇
之世爵輒知其賢否其不可者雖邀未嘗往也一邑
宰嘗與之貝纓辭曰我華人也冠幘不戴笠奚以纓
為所居田作郡嘗稅狼尾世爵乃之田間縛木為棚
宿卧其中候視之久乃罷詣郡曰郡之稅也視田所
出而田今無狼吾安所得狼尾而輸郡稅乎郡卒無
以責之又嘗夜漁于溪他漁者網塞下流魚不得上
世爵置網無所得乃多取木葉俟漁者睡投諸水木

葉流下水急網潰而漁者不之覺也於是世爵舉網
大收魚以歸其玩俗不羈又如此為方語不能了笑
曰吾少去中國今四十餘年既忘中國語又習東語
而不成乎又曰吾知朱氏不能復興也漢四百年而
亡雖以昭烈之賢不能復唐與宋皆三百年而亡明
自洪武至崇禎亦三百年天之大數誰能違之虜其
終有天下乎夫虜方興而中國之人困敝已極雖有
英雄豪傑莫能為也竢五六十 years 年虜勢少衰中國得
休逸奮於積恥之餘起以逐之如元氏之亡此其已
然之跡可知也又嘆曰吾年十三四時已有志在家

為孝在國為忠有所樹立今吾孝不成於家忠不成於國為不孝不忠之人世爵取東婦生二子有孫若干人戎令同居北俗多化之偏室曰楚冠堂起居其中北人衣服皆資清產而不以自近家瀕豆滿江江北即胡地多茹鮮民取以葺屋世爵獨以藁葺曰人疑我涉胡地何以自解

田好謙

田好謙字遜亭廣平府鷄澤縣人父允諧吏部侍郎祖應暘兵部尚書好謙生萬曆庚戌隸鄉學士嘗至搬島崇禎丁丑清襲搬島島覆之好謙就俘會虜將

竒其貌釋之遂與其徒十餘人東來屬訓練都監大
將具宏席地命之座饋酒好謙不肯飲宏遽巡坐堂
上行賓主禮 仁祖嘗三召見好謙感之每名節慶
賀輒詣 閤門叩頭 孝廟嘗欲除一邊將好謙以
不解東語固辭 顯廟丙寅終年七十七好謙兒時
有相者曰是於法不壽壽則必離鄉乎至是果驗在
廣平有子曰存兒東來復娶張氏女張亦金華義烏
縣人父龍從天兵征倭留仕本朝為同知中樞府事
好謙性謹厚能通書籍公卿大夫莫不愛之寂與東
平尉鄭載嵩善嘗泣謂載嵩曰遠托異國昔人所悲

今中原陸沉吾得免左袵幸也况蒙 國恩廩食終身且有室家子姓復何求哉惟是身沒寢遠名與骨但朽纍纍北印誰知我中土人乎載嵩聞而悲之

李應仁

李應仁太傅寧遠伯成樞之曾孫少保征倭提督如松之孫遼薊總督中軍副將性忠之子生萬曆戊午李氏本籍朝鮮成樞曾祖英始入中原世居廣寧之鐵嶺衛成樞始以武功顯父子六人并列國史如松與弟如栢如梅著績朝鮮始如松自朝鮮還戒其子孫曰天下將亂矣朝鮮可以避地及崇禎甲申李自

之死
未晚

成陷北京 天子殉社稷性忠與兄子遵祖之死未
幾清人破自成據北京而天下遂為戎矣應仁時年
二十七義不薙髮乃脫身東出朝鮮至漢師朝廷欲
官之應仁辭曰國破君亡何以官為朝廷重其義不
復強而命世世復其家應仁遂入東峽至淮陽居焉
終身不出山門言語不改華音每值 崇禎諱日輒
上屋後上顛西向慟哭終日云應仁初名應祖以避
亂故改今名以 肅宗甲午卒年九十七先是如梅
之子憲忠死於深河之役其子成龍逃入朝鮮子孫
多居海曲 肅宗甲申尊大報壇廷臣有以成龍之

正宗朝

孫白卽 命錄用 英宗庚申 命立如梅主不祧

當丁戊申又 命立如松主不祧

麻舜裳

麻舜裳遵化總兵光子都督貴孫世襲指揮同知
父死於深河之戰舜裳被俘在虜中六年逃入中國
丁卯督糧登州遇風於廟島三日抵豐川同舟二十
九人皆溺死舜裳獨生流寓湖南之光州以終舜裳
善治蚕綿其訣多傳於湖

文可尚

文可尚宋信國公天祥六世孫父榮光居揚子江崇

顏乙亥漂至朝鮮之殷栗縣尋遭丙子之亂移居恩
津嘗手錄華語三卷進于朝授通政階

胡克己

胡克己宋文正公安國十七世孫萬曆庚申進士自
登州漂至朝鮮之鳳山郡因流落北關好文章曉天
文地理醫藥卜筮之術其孫斗弼英宗乙巳上書
請守護華陽洞萬東祠初尤菴先生宋時烈托門人
黃江權尚夏建草舍於華陽洞以祭神宗毅宗兩
皇帝又取我宣祖萬折必東之教扁以萬東祠斗
弼之言以此也王仍給斗弼祿錄其族有才者親

書克已姓名于萬東廟錦屏

王鳳崗

王鳳崗一名以文濟南人崇禎名臣攝之子我 昭
顯世子在瀋陽十年清人既克北京仍許之反鳳崗
與庠生王文祥馮三仕王義承楊福吉鄭先甲大同
人劉自成張三生杭州人黃珂等十三人從之來

孝廟居之朝陽樓下欲官之鳳崗辭曰天若祚明克
復區夏臣歸死足矣 孝廟亦不強而衣食於官鳳
崗風裁魁偉有大節自以國破家亡居常愀然人有
問 皇朝事者輒掩泣雖家人亦不忍言其婦黃氏

正統朝

侍 仁宣王后有勞嘗從簾隙闕賀班金冠象笏玉珮聲琅然歎曰吾家昔嘗服是服矣不意復見於此也鳳崗之徒有善漁者常網魚獻之 上後屬訓局名曰漢人牙兵令 上庚戌 命別為漢旅毋屬訓局並蠲漁丁之役鳳崗等子姓甚繁并為安巷人獨美承無後 肅廟設大報壇以鳳崗之孫為領役將

黃功

黃功杭州人舉進士官池河守備以戰功顯後在瀋陽事我 孝宗崇禎甲申與王鳳崗等八姓東來家朝陽樓下 朝廷授嘉善堦告身不書清紀元號及

歿賜地以葬初福建人林寅觀等漂到耽羅齋永曆
大統曆為言永曆皇帝保有廣西守臣聞于朝
廷朝廷恐事泄將縛送于燕寅觀等號泣不去朝
廷令切諭之使去有木蘭詞及黃陳問答錄傳于世

馮三仕

馮三仕山東人父秀舉進士官兵部崇禎中清人侵
山東三仕被驅入瀋陽事我孝宗甲申與王鳳崗
等東來朝廷賜田民給衣食

陳鳳儀

陳鳳儀萬曆乙酉配堂邑王第一女寶慶縣主後流

離東來 顯皇帝誥命至今傳于家

鄭先甲

鄭先甲琅琊人曾祖文謙嘉靖間吏部左侍郎先甲
崇禎甲申與王鳳崗東來家朝陽樓下後贈叅判
英宗乙亥錄其孫

裴三生

裴三生大同人父山大俘於清時 皇朝人被俘者
十數姓同居謂之明人村乙酉 孝宗返自藩館贖
之東來山大道死子三生以其生於中國擄於清歸
于朝鮮名三生時纔三歲鞠於 皇朝宮人崔回姐

居于朝陽樓南

王俊業

王俊業孝如松外裔也乙酉徙孝宗東來流寓關東居歙谷縣金剛外山麓遷之背刻曰明人王世業
豈俊業之一名歟

韓登科

劉太山金長生

韓登科未詳其鄉里肅宗乙卯與其徒劉太山金長生等上言曰俱以中土之人寄托本國已過四十餘年值此山荒將顛溝壑登科年八十太山五十九長生六十日薄西山登科又壬辰征倭備禦宗功之

孫微勞亦可紀也戶曹請給衣食從之

張道士

張道士名雲起金陵人龍虎天師道陵之後天啓壬戌徙鎮江至朝鮮因兵戈不能自還淪落東海上顯宗乙巳金錫胄僂倭于東萊館遇雲起年六十四工麻衣法云

弘瑜

弘瑜號月章故中書舍人王作霖會稽人國亡為僧善山水兼長仙佛法書真草俱佳

秦良玉

秦良玉忠州人嫁石砭宣撫使馬千乘萬曆二十七年千乘從征播州良玉別以精兵自隨破金筑等七寨為南川路戰功第一後千乘為部民所訟庾死雲陽獄良玉代領其衆良玉為人饒膽畧善騎射兼通詞翰儀度嫺雅而馭下嚴峻每行軍戎伍肅然平部獮白掉兵泰昌間徵其兵援遼兄邦屏邦翰皆力戰死贈都督僉使子世廩良玉與幼弟民屏還家甫一日奢崇明反良玉斬其使馳檄夔州急防瞿塘上下馳解成都圍命封夫人錫誥命良玉益感奮明季民屏戰死大方崇禎三年清人陷永平四城良玉與邦

屏子翼明奉詔勤王出家財濟餉 上優詔褒美召

見平臺賜綵幣羊酒賦詩以旌其功會四城復乃詔

良玉歸不復援勦專辦蜀賊十三年破羅汝才於馬

家寨斬其魁東山虎會督師楊嗣昌盡驅賊入川川

撫邵捷春提弱卒三萬守重慶縣州知州陸遜之按

行諸營見良玉軍整心異之良玉冠帶飾佩刀出見

置餉禮酒數行語曰邵公不知兵吾一婦人受國恩

誼應死獨恨與邵公同死耳遜之問其故曰邵公移

我自近去重慶四十里而遣張令守黃泥窪殊失地利

賊據歸巫萬山顛俯逼吾營令必敗令敗及我我尚

能救邵公惡哉且督師以蜀為空無愚智可知之邵公不以此時爭山奪險令賊無敢即我而坐以設防此敗道也遜之深然之亡何張獻忠果敗殺令良玉趨救不利所部三萬人畧盡乃單騎見捷春請義峒卒可得二萬我自廩其半官餉其半捷春謝不用良玉太息歸有秦續勲者良玉族人也黨賊被擒殺獄卒而逸良玉捕以獻獻忠盡陷楚地長驅入夔州良玉圖全蜀地形上巡按劉之勃請益兵守隘之勃許之而無兵可發及夔州陷良玉陷援又有潰及全蜀盡陷良玉號咷曰吾兄弟三人皆死王事吾以一婦

人受國恩二十年不幸至此其敢以餘年事逆賊哉
悉召所部約曰有從賊者族無赦獻忠齋金印賜其
官不為勳賊黨無敢入其境者良玉竟以壽終于拱
明死於普名聲之亂贈卹如制

童夫人

童夫人龔鼎孳妻鼎孳故尚書仕清歷官大宗伯夫
人居合肥不肯隨宦京師且曰我經兩受明封本朝
恩典可與顧太太顧即揚州娼顧媚字眉生者也後
清人編鼎孳于貳臣傳

屈氏

屈氏明宮女也本蘇州良家女時明政方亂大吏貪
淫奪民間女子有才色者屈氏生母欲殺之會有救
者乃已七歲選入侍周皇后李自成陷京師烈皇
帝崩皇后步趨壽皇亭屈氏從之皇后感然麾
使去皇后既崩屈氏逃匿閭巷及清人破自成入
北京屈氏被獲屈氏習聞流寇惡及見虜常慢罵曰
流賊九王者清太宗第九弟也貌甚雄傑嘗圓兜短
衫垂面紗而坐屈氏輒笑罵曰男子亦面紗乎真流
賊也面紗者漢女飾也九王甚慚然愛其端麗不忍
殺是時我昭顯世子質於虜虜以屈氏侍及世

子歸從至朝鮮國屬萬壽殿事 莊烈王妃屈氏既

東來常北望中原泫然泣下語流賊必憤罵若狂

孝宗與一二臣議北伐清事甚秘屈氏獨心知事常

願忍死見 皇朝之復興年七十餘卒將死語曰幸

埋我西郊庶幾見王師之出云如其言葬高陽郡大

慈洞 孝宗嘗詢髻制於屈氏尤菴先生宋時烈請

其制世守之屈氏善擾禽獸指使無不如意有弟子

進春者頗傳其法 肅宗命廣平田會一家主屈氏

祀歲給祭需會一好謙之子也屈氏不知書自言在

皇朝時宮中頒廩籍書其姓如尺字其音為圭我人

呼以圭姐錄其語翻于燕乃屈字

崔回姐

柔姐
緊姐

崔回姐青州府壽光縣人父雲溥為紅通知縣還家而生姐故名回姐云嫁同縣秀才張九簫崇禎壬午為清人所掠翌年六月侍昭顯世子于瀋館乙酉隨世子東歸姐能盡善刺繡常在宮掖皇朝女子之他離殊方者不啻一二而皆已身故只有崔回姐一人侍衛累朝年迫八十且有軫恤其令吏曹特賜尚宮教旨亦令地部優給衣資食物乙酉歿葬于楊州香花村嘗言明季災異有白狗人立而言曰天亂

天亂又有男子飛入人家自稱仙人索茶啜已復飛去編髮為三條姐見之云又有柔姐緊姐皆於甲申之亂與回姐東來緊姐中朝宰相之妻也娟秀善粧梳有女士風死於丁亥柔姐善刺繡死於庚申遺言火葬諸姐長於宮中不解書其姓名籍貫皆不可考也

王烈母

王烈母顧炎武母也有孝行常斷指療姑病崇禎間巡按御史王一鶚奉旨蒞表乙酉夏母年六十避兵常熟之路瀛涇謂炎武曰我雖婦人身受國恩義不

可辱及聞兩京皆破絕粒不食而卒遺命焚武讀書
隱居不仕二姓

青
竹
堂
全
書
卷
之
四
下
七

嘉謨書即我先君晚年所輯而未卒者也蓋有
明之末時人烈士不爲不多今日復見群書而編鈔
者僅止七百餘人抑或明清書之來來者未廣而
然歟亦係伊人之幸不幸而然歟然而一讀此書忠
魂義魄森列左右令人髮豎膽寒風泉之感不覺於
色而渾流也不肖庸承遺志畧加編摩先以人名字
號次行蹟次詩文下係引用書又綴遺簡得死數若
干人為第十一補編成及龍汝海應取而讀也自任
筆削每人立傳名曰 皇明遺民錄可與此書並行
而間多新得者故又補編未恨不錄書名差違其例

也今以原書十篇及不肖與成友所補各一篇鑒為
六冊後之覽者有能博覽而踵成則竊自幸是書之
完也云爾

崇禎紀元汝四甲子元月上澣不肖男光葵謹識

青莊館全書卷之四十七

庚午夏典牲署
書貧申景桓書





